

DIE EERSTE BOEK VAN DIE KONINGS

Outeur	:	Samouel
Aan	:	Isrhael
Rede	:	Om hulle tot Aleim te bekeer
Geskryf tussen	:	970-893 BCE

Voorwoord.

Die boek sit die geskiedenis van die Samouel boeke voort. Net voor Daud se dood laat hy sy seun Solomon tot koning salf. Daud se dood reken Solomon af met sy teestanders en regeer in voorspoed en met wysheid oor die twaalf stamme (1-11). Na sy dood skeur die ryk in twee dele: Juda en Jerusalem in die suide. Met nasate van Daud as hulle konings, en Isrhael in die noorde onder verskillende konings. Die geskiedenis van die twee ryke word afwisselend vertel, eers die van 'n bepaalde koning (byvoorbeeld Ierhobeam van Isrhael, 12: 25 – 14: 20) en dan die van al die konings van die ander ryk wat gelyktydig met hom geregeer het (byvoorbeeld Rheabeam, Abia en Asa van Juda, 14: 21 – 15: 24). Elke koning se optrede word vertel en beoordeel in die lig van wat IEUE sy volk in verband met skynbeelddiens beveel het, en die geskiedenis van die tydperk vind sy hoogtepunt in die botsing van die profeet Elia met Agab, botsings wat vertolk kan word as 'n stryd om te bevestig dat IEUE Aleim is 9vgl. 18: 39). Soos En sy dienaars sê aan hom: Laat hulle vir my heer die koning 'n jongmeisie soek, dat sy voor die koning kan staan en vir hom 'n verpleegster wees en in u skoot lê; dan sal my heer die koning warm word.

Solomon word Koning.

1 Toe koning Daud oud en ver op sy dae was, het hulle hom met komberse toegemaak, maar hy kon nie warm word nie.
2 En sy dienaars sê aan hom: Laat hulle vir my heer die koning 'n jongmeisie soek, dat sy voor die koning kan staan en vir hom 'n verpleegster wees en in u skoot lê; dan sal my heer die koning warm word.
3 Hulle het toe in die hele grondgebied van Isrhael 'n mooi meisie gesoek en Abísag, die Sunamitiese, gevind en haar by die koning gebring.
4 En die meisie was besonder mooi, en sy was vir die koning 'n verpleegster en het hom bedien; maar die koning het geen gemeenskap met haar gehad nie.

5 Intussen was Adónia, die seun van Haggit, so vermetel om te dink: Ek sal koning word! En hy het vir hom waens en perderuiters aangeskaf en vyftig man wat voor hom uit loop.

6 En sy vader het hom sy lewe lank nie gekrenk deur te sê nie: Waarom maak jy so? Bowendien was hy ook baie mooi van gestalte, en sy moeder het hom ná Absalom gebaar.

7 En hy het met Ioab, die seun van Seruia, onderhandel en met Abiatar, die priester, sodat hulle gehelp het as volgelinge van Adónia.

8 Maar Sadok, die priester, en Benaia, die seun van Ioiada, en Natan, die profeet, en Símeï en Reï en die helde van Daud het nie met Adónia saamgegaan nie.

9 En Adónia het kleinvee en beeste en vetgemaakte vee geslag by die klip Sohélet wat langs die fontein Rogel staan, en al sy broers, die seuns van die koning, en al die manne van Juda, die dienaars van die koning, genooi;

10 maar Natan, die profeet, en Benaia en die helde en sy broer Solomon het hy nie genooi nie.

11 Toe sê Natan vir Bátseba, die moeder van Solomon: Het u nie gehoor dat Adónia, die seun van Haggit, koning geword het sonder dat ons heer Daud dit weet nie?

12 Kom dan nou, laat ek u tog 'n raad gee, dat u u lewe en die lewe van u seun Solomon kan red.

13 Gaan en tree binne by koning Daud en sê vir hom: Het ú nie, my heer die koning, vir u dienaars gesweer en gesê nie: U seun Solomon sal sekerlik koning word ná my, en hy sal op my troon sit? Waarom het Adónia dan koning geword?

14 Kyk, terwyl u daar nog met die koning spreek, sal ek agter u inkom en u woorde aanvul.

15 Daarop het Bátseba ingegaan na die koning in die kamer, terwyl die koning baie oud was en Abísag, die Sunamitiese, die koning bedien.

16 En Bátseba het gebuig en neergeval voor die koning. Toe sê die koning: Wat wil u hê?

17 En sy antwoord hom: My heer, ú het by IEUE u Aleim vir u dienaars gesweer: U seun Solomon sal sekerlik ná my koning word, en hy sal op my troon sit.

18 Maar kyk, nou het Adónia koning geword sonder dat u, my heer die koning, dit weet.

19 Want hy het beeste en vetgemaakte vee en kleinvee in menigte geslag en al die seuns van die koning en Abiatar, die priester, en Ioab, die leërowerste, genooi; maar u dienaar Solomon het hy nie genooi nie.

20 Maar op ú, my heer die koning, is die oë van die hele Isrhael om hulle te kenne te gee wie op die troon van my heer die koning ná hom sal sit.

21 Anders sal dit gebeur, sodra my heer die koning met sy vaders ontslaap het, dat ek en my seun Solomon vir misdadigers gehou sal word.

22 En kyk, terwyl sy nog met die koning spreek,

kom die profeet Natan in.

23 En hulle het dit die koning te kenne gegee en gesê: Daar is Natan, die profeet. Toe kom hy voor die koning en buig hom voor die koning met sy aangesig na die aarde toe.

24 En Natan sê: My heer die koning, het ú gesê: Adónia sal ná my koning word, en hy sal op my troon sit?

25 Want hy het vandag gegaan en beeste en vetgemaakte vee en kleinvee in menigte geslag en al die seuns van die koning en die leërowerstes en Abiatar, die priester, genooi, en kyk, hulle eet en drink voor hom en sê: Mag koning Adónia lewe!

26 Maar my, u dienaar, en Sadok, die priester, en Benaia, die seun van Ioiada, en Solomon, u dienaar, het hy nie genooi nie.

27 As hierdie saak van my heer die koning uitgegaan het, dan het u aan u dienaars nie bekend gemaak wie op die troon van my heer die koning ná hom sal sit nie.

28 Daarop antwoord koning Daud en sê: Roep Bátseba vir my! En sy het ingekom voor die koning en voor die koning gaan staan.

29 Toe sweer die koning en sê: So waar as IEUE leef wat my uit alle benoudheid verlos het,

30 sekerlik, soos ek u by IEUE, die Aleim van Israhel, gesweer en gesê het dat u seun Solomon ná my koning moet word en hy op my troon moet sit in my plek, sekerlik so doen ek vandag nog.

31 En Bátseba het met die aangesig na die aarde gebuig en voor die koning neergeval en gesê: Mag my heer die koning Daud vir ewig lewe!

32 Verder het koning Daud gesê: Roep vir my Sadok, die priester, en Natan, die profeet, en Benaia, die seun van Ioiada. Toe kom hulle in voor die koning,

33 en die koning sê vir hulle: Neem die dienaars van julle heer met julle saam en laat my seun Solomon op my eie muil ry, en bring hom af na Gihon toe;

34 en laat Sadok, die priester, en Natan, die profeet, hom daar as koning oor Israhel salf, en julle moet op die ramshoring blaas en sê: Mag koning Solomon lewe!

35 Dan moet julle agter hom optrek, dat hy kan inkom en op my troon sit; want hy moet koning wees in my plek, en ek het hom aangestel om 'n vors oor Israhel en Juda te wees.

36 Toe antwoord Benaia, die seun van Ioiada, die koning en sê: Amen! Mag IEUE, die Aleim van my heer die koning, ook so sê.

37 Soos IEUE met my heer die koning was, mag Hy so met Solomon wees; en mag Hy sy troon groter maak as die troon van my heer die koning Daud.

38 Toe het Sadok, die priester, afgegaan saam met Natan, die profeet, en Benaia, die seun van Ioiada, en die Kreti en die Pleti, en hulle het

Solomon laat ry op die muil van koning Daud en hom na Gihon gebring.

39 En die priester Sadok het die horing met olie uit die tent geneem en Solomon gesalf, en hulle het op die ramshoring geblaas, en die hele volk het gesê: Mag koning Solomon lewe!

40 Toe gaan die hele volk op agter hom aan, terwyl die volk op fluite speel en hulle verheug met groot blydschap, sodat die aarde geskeur het van hulle geluid.

41 En Adónia het dit gehoor en al die genooies wat by hom was, toe hulle net klaar geëet het; loab het ook die geluid van die ramshoring gehoor en gesê: Waarom is die geluid van die stad rumoerig?

42 Terwyl hy nog spreek, kom Ionatan, die seun van die priester Abiatar, daar aan; en Adónia sê: Kom in, want jy is 'n wakker man en bring 'n goeie boodskap.

43 Maar Ionatan antwoord Adónia en sê: Ja, maar ons heer die koning Daud het Solomon koning gemaak!

44 En die koning het Sadok, die priester, en Natan, die profeet, en Benaia, die seun van Ioiada, en die Kreti en die Pleti met hom saam gestuur, en hulle het hom op die koning se muil laat ry;

45 en Sadok, die priester, en Natan, die profeet, het hom in Gihon as koning gesalf, en daarvandaan het hulle met blydschap opgetrek, sodat die stad opgewonde geraak het; dit is die geluid wat julle gehoor het.

46 En ook het Solomon op die koninklike troon gaan sit.

47 Bowendien het die dienaars van die koning gekom om ons heer die koning Daud geluk te wens met die woorde: Mag u Aleim die naam van Solomon beter maak as u naam en sy troon groter maak as u troon. Toe het die koning op die bed aanbid;

48 en die koning het ook so gesê: Geseënd is IEUE, die Aleim van Israhel, wat vandag gegee het dat een op my troon sit terwyl my oë dit sien.

49 Daarop het al die genooies wat by Adónia was, verskrik opgestaan en elkeen sy pad gegaan.

50 Maar Adónia was bevrees vir Solomon en het opgestaan en heengegaan en die horings van die altaar vasgehou.

51 Toe is daar aan Solomon meegedeel en gesê: Kyk, Adónia is bevrees vir koning Solomon; en kyk, hy hou die horings van die altaar vas en sê: Laat koning Solomon eers vir my sweer dat hy sy dienaar nie met die swaard sal ombring nie.

52 Daarop sê Solomon: As hy 'n betroubare man sal wees, sal geen haar van hom op die aarde val nie; maar as daar kwaad in hom gevind word, moet hy sterwe.

53 En koning Solomon het gestuur, en hulle het hom van die altaar afgebring, en hy het ingekom en hom voor koning Solomon neergebuig. En

Solomon het vir hom gesê: Gaan na jou huis.

Daid se Opdragte aan Solomon.

2 En toe die dae van Daid nader kom dat hy sou sterwe, het hy sy seun Solomon bevel gegee en gesê:

2 Ek gaan heen op die weg van die hele aarde: wees dan sterk en word 'n man;

3 en onderhou die ordening van IEUE jou Aleim deur te wandel in Sy weë, deur Sy insettinge, Sy gebooië en Sy verordeninge en Sy getuïenisse te onderhou, soos geskrywe is in die wet van Moses, sodat jy voorspoedig kan uitvoer alles wat jy doen, en alles waartoe jy jou begewe;

4 sodat IEUE Sy woord mag vervul wat Hy oor my gespreek het, naamlik: As jou seuns ag gee op hulle weg deur voor My aangesig getrou te wandel met hulle hele hart en met hulle hele siel, dan sal daar nie vir jou 'n man op die troon van Israhel ontbreek nie.

5 En jy weet ook self wat loab, die seun van Seruia, my aangedoen het; wat hy die twee leërowerstes van Israhel, Abner, die seun van Ner, en Amasa, die seun van Ieter, aangedoen het; hoe hy hulle vermoor en oorlogsbloed in vredestryd vergiet het, sodat hy die gord wat om sy heupe en die skoene wat aan sy voete was, met oorlogsbloed bevlek het.

6 Handel dan na jou wysheid, en sy grys hare moet jy nie met vrede in die doderyk laat neerdaal nie.

7 Maar aan die seuns van Barsillai, die Gileadiet, moet jy guns bewys, en hulle moet wees onder die wat aan jou tafel eet; want só het hulle na my toe aangekom toe ek vir jou broer Absalom gevlug het.

8 Verder is daar by jou Símei, die seun van Gera, die Beniaminiet, uit Bahúrím; hy naamlik het my gevloek met 'n hewige vloek die dag toe ek na Mahanáim gegaan het; en hy het afgekom om my te ontmoet by die Jordaan, sodat ek vir hom by IEUE gesweer en gesê het: Ek sal jou nie met die swaard doodmaak nie.

9 Maar nou moet jy hom nie ongestraf laat bly nie, want jy is 'n wyse man; daarom sal jy weet wat jy hom moet aandoen, dat jy sy grys hare met bloed in die doderyk laat neerdaal.

10 Toe het Daid ontslaap met sy vaders, en hy is begrawe in die stad van Daid.

11 En die dae wat Daid oor Israhel geregeer het, was veertig jaar; in Hebron het hy sewe jaar geregeer, en in Jerusalem het hy drie en dertig jaar geregeer.

12 Daarna het Solomon op die troon van sy vader Daid gaan sit, en sy koningskap is goed bevestig.

13 Toe kom Adónia, die seun van Haggit, na Bátseba, die moeder van Solomon, en sy vra: Is jou koms vrede? En hy antwoord: Vrede.

14 Verder sê hy: Ek het 'n woord vir u. En sy antwoord: Spreek.

15 En hy sê: U weet dat die koningskap myne was en die hele Israhel sy aangesig op my gerig het, dat ek koning sou word; maar die koningskap het oorgegaan en my broer s'n geword, want deur IEUE was dit vir hom bestem.

16 En nou doen ek een versoek aan u; wys my nie af nie. En sy antwoord hom: Spreek.

17 Toe sê hy: Spreek tog met koning Solomon, want hy sal u nie afwys nie, dat hy Abísag, die Sunamitiese, aan my as vrou moet gee.

18 En Bátseba sê: Goed, ék sal met die koning oor jou spreek.

19 Toe Bátseba dan ingaan na koning Solomon om met hom oor Adónia te spreek, het die koning opgestaan om haar te ontmoet en voor haar gebuig; daarna het hy op sy troon gaan sit en vir die moeder van die koning 'n stoel laat neersit, en sy het aan sy regterhand plaas geneem.

20 Toe sê sy: Een klein versoek doen ek aan u; wys my nie af nie. En die koning antwoord haar: Vra, my moeder, want ek sal u nie afwys nie.

21 En sy sê: Laat Abísag, die Sunamitiese, aan u broer Adónia as vrou gegee word.

22 Daarop antwoord koning Solomon en sê aan sy moeder: Maar waarom vra u Abísag, die Sunamitiese, vir Adónia? Vra ook die koningskap vir hom, want hy is my broer wat ouer is as ek, ja, vir hom en vir Abiatar, die priester, en vir loab, die seun van Seruia!

23 En koning Solomon het gesweer by IEUE en gesê: Mag Aleim so aan my doen en so daaraan toedoen--sekerlik, Adónia het hierdie woord ten koste van sy lewe gespreek.

24 En nou, so waar as IEUE leef wat my bevestig het en my op die troon van my vader Daid laat sit en vir my 'n huis gestig het volgens sy belofte--Adónia sal sekerlik vandag gedood word!

25 Daarop het koning Solomon gestuur deur die diens van Benaia, die seun van Ioiada; en dié het op hom aangeval, sodat hy gesterf het.

26 En vir Abiatar, die priester, sê die koning: Gaan na Anatot op jou grond, want jy verdien die dood; maar vandag sal ek jou nie doodmaak nie, omdat jy die ark van IEUE HERE voor my vader Daid uit gedra het en omdat jy deelgenoot was van alles wat my vader gely het.

27 So het Solomon dan Abiatar verdrywe, sodat hy nie meer priester van IEUE was nie, om die Woord van IEUE te vervul wat Hy oor die huis van Eli in Silo gespreek het.

28 Toe die gerug by loab kom--want loab was aan die kant van Adónia, alhoewel hy nie aan die kant van Absalom was nie--het loab gevlug na die tent van IEUE en die horings van die altaar vasgehou.

29 En aan koning Solomon is meegedeel: loab het gevlug na die tent van IEUE, en kyk, daar is

hy by die altaar! Toe laat Solomon aan Benaia, die seun van Ioiada, weet: Gaan heen, val op hom aan.

30 Daarop het Benaia by die tent van IEUE gekom en vir hom gesê: So spreek die koning: Kom uit. Maar hy sê: Nee, want hier wil ek sterf. En Benaia het die koning 'n antwoord gebring en gesê: Só het loab gespreek, en só het hy my geantwoord.

31 Toe beveel die koning hom: Doen soos hy gespreek het: val op hom aan, en begrawe hom, sodat jy die onskuldige bloed wat loab vergiet het, van my en my vader se huis af verwyder;

32 en dat IEUE sy bloed op sy eie hoof laat neerkom, omdat hy op twee manne, regverdiger en beter as hy, aangeval en hulle met die swaard vermoor het sonder medewete van my vader Daud: Abner, die seun van Ner, die leërowerster van Israhel, en Amása, die seun van Ieter, die leërowerster van Juda;

33 en dat hulle bloed op die hoof van loab en op die hoof van sy nageslag vir ewig kan neerkom, maar Daud en sy nageslag en sy huis en sy troon vrede kan hê van IEUE tot in ewigheid.

34 Toe het Benaia, die seun van Ioiada, opgegaan en op hom aangeval en hom gedood; en hy is begrawe in sy huis in die woestyn.

35 Daarop het die koning Benaia, die seun van Ioiada, in sy plek oor die leër aangestel; en Sadok, die priester, het die koning aangestel in die plek van Abiatar.

36 Verder het die koning Símei laat roep en vir hom gesê: Bou vir jou 'n huis in Jerusalem, en jy moet daar woon en mag daarvandaan nie uitgaan, nêrens heen nie;

37 die dag dat jy uitgaan en oor die spruit Kidron trek, moet jy voorwaar weet dat jy sekerlik sal sterwe; jou bloed sal op jou hoof wees.

38 En Símei sê vir die koning: Dit is goed; soos my heer die koning gespreek het, so sal u dienaar doen. En Símei het baie dae in Jerusalem gebly.

39 Maar aan die einde van drie jaar het twee van Símei se slawe weggeloop na Agis, die seun van Máaga, die koning van Gat; en aan Símei is meegedeel en gesê: Jou slawe is daar in Gat.

40 Toe maak Símei klaar en saal sy esel op en vertrek na Gat, na Agis toe, om sy slawe te soek; en Símei het gegaan en sy slawe van Gat af gebring.

41 Maar aan Solomon is meegedeel dat Símei uit Jerusalem na Gat weggegaan en teruggekom het.

42 Daarop laat die koning Símei roep, en hy sê vir hom: Het ek jou nie by IEUE besweer en jou gewaarsku nie en gesê: Die dag dat jy uitgaan en êrens heen trek, moet jy voorwaar weet dat jy sekerlik sal sterwe? En jy het aan my gesê: Dit is goed; ek het gehoor.

43 Waarom het jy dan die eed by IEUE en die gebod wat ek jou opgelê het, nie gehou nie?

44 Verder sê die koning vir Símei: Jy ken self al

die boosheid waar jou hart van weet, wat jy my vader Daud aangedoen het; daarom laat IEUE jou boosheid op jou eie hoof neerkom.

45 Maar mag koning Solomon geseënd wees en die troon van Daud bevestig word voor die aangesig van IEUE tot in ewigheid!

46 Daarop gee die koning bevel aan Benaia, die seun van Ioiada: dié het uitgegaan en op hom aangeval, sodat hy gesterf het.

47 En die koningskap is bevestig in die hand van Solomon.

Solomon Bid vir Wysheid.

3 En Solomon het hom verswaer met Farao, die koning van Egipte; hy het naamlik die dogter van Farao geneem en haar in die stad van Daud ingebring totdat hy met die bou van sy huis en die huis van IEUE en die muur van Jerusalem rondom klaar sou wees.

2 Alleenlik het die volk gedurig op die hoogtes geoffer, omdat tot op daardie dae daar geen huis vir die Naam van IEUE gebou was nie.

3 En Solomon het IEUE liefgehad deur in die insettinge van sy vader Daud te wandel; hy het net gedurig op die hoogtes geoffer en rook laat opgaan.

4 En die koning het na Gíbeon gegaan om daar te offer, omdat dit die vernaamste hoogte was; duisend brandoffers het Solomon op daardie altaar geoffer.

5 Toe verskyn IEUE in Gíbeon in 'n nagtelike droom aan Solomon; en Aleim het gesê: Begeer wat Ek jou moet gee.

6 En Solomon sê: U het aan U kneg, my vader Daud, 'n groot guns bewys, net soos hy voor U aangesig gewandel het in trou en in geregtigheid en in opregtheid van hart met U; en U het vir hom hierdie groot guns bewaar, dat U hom 'n seun gegee het wat op sy troon sit, soos dit vandag is.

7 Nou dan, HERE my Aleim, U het U kneg koning gemaak in my vader Daud se plek; maar ek is 'n jong seun; ek weet nie om uit of in te gaan nie.

8 En U kneg is midde onder U volk wat U verkies het, 'n groot volk wat nie getel of bereken kan word weens die menigte nie.

9 Gee dus aan U kneg 'n opmerksame hart om reg te spreek oor U volk, om tussen goed en kwaad te onderskei, want wie sou hierdie talryke volk van U kan regeer?

10 En dit was goed in die oë van IEUE dat Solomon dit begeer het.

11 En Aleim het vir hom gesê: Omdat jy hierdie versoek gedoen het en nie vir jou 'n lang lewe begeer het en nie vir jou rykdom begeer het en nie die lewe van jou vyande begeer het nie, maar vir jou verstand begeer het om regsake te verhoor,

12 so doen Ek dan volgens jou woord: Kyk, Ek gee jou 'n wyse en verstandige hart, sodat een

soos jy vóór jou nie gewees het en een soos jy ná jou nie sal opstaan nie.

13 Ja, selfs wat jy nie begeer het nie, sal Ek jou gee, rykdom sowel as eer, sodat onder die konings niemand soos jy sal wees al jou dae nie.

14 En as jy in My weë wandel, deur My insettinge en My gebooi te onderhou, soos jou vader Daud gewandel het, dan sal Ek jou dae verleng.

15 Toe word Solomon wakker, en--dit was 'n droom! Daarop het hy in Jerusalem gekom en voor die verbondsark van IEUE gaan staan en brandoffers gebring en dankoffers berei en 'n maaltyd vir al sy dienaars aangerig.

16 In dié tyd kom daar twee vroue wat hoere was, na die koning, en hulle gaan voor hom staan.

17 En die een vrou sê: Ag, my heer, ek en hierdie vrou woon in een huis, en ek het by haar in die huis gebaar.

18 En op die derde dag ná my bevalling het hierdie vrou ook gebaar terwyl ons saam was; niemand anders was by ons in die huis nie, maar net ons twee in die huis.

19 En die seun van hierdie vrou het in die nag gesterwe, omdat sy op hom gelê het.

20 Toe staan sy in die middel van die nag op en neem my seun langs my weg terwyl u dienaar slaap; en sy het hom in haar skoot neergelê, maar haar dooie seun in my skoot neergelê.

21 Toe ek die môre opstaan om my seun te soog, was hy dood; maar in die môre het ek hom goed bekyk, en dit was nie my seun wat ek gebaar het nie!

22 Maar die ander vrou sê: Nee, maar die lewendige is my seun, en die dooie is jou seun. Maar die eerste sê: Nee, maar die dooie is jou seun, en die lewendige is my seun. So het hulle dan voor die koning gestry.

23 Toe dink die koning: Die een sê: Dit is my seun, die lewendige, en jou seun, die dooie. En die ander sê: Nee, maar die dooie is jou seun, en die lewendige my seun.

24 Daarop gee die koning bevel: Bring vir my 'n swaard! En hulle het die swaard voor die koning gebring.

25 En die koning sê: Sny die lewendige kind in twee stukke, en gee die helfte aan die een en die helfte aan die ander.

26 Maar die vrou wie se kind die lewendige was, het met die koning gespreek, want haar binneste was ontroerd oor haar seun--sy het gesê: Ag, my heer, gee haar die lewendige kind en maak hom tog nie dood nie! --terwyl die ander een sê: Hy sal nie myne en ook nie joune wees nie; sny deur!

27 Toe antwoord die koning en sê: Gee haar die lewendige kind en maak hom in geen geval dood nie: sy is die moeder.

28 En die hele Israhel het gehoor van die vonnis wat die koning uitgespreek het, en was bevrees

vir die koning; want hulle het gesien dat daar godelike wysheid in sy binneste was om reg te doen.

Solomon se Prinse en Amptenare.

4 So was koning Solomon dan koning oor die hele Israhel.

2 En dít was sy hoofamptenare: Asaria, die seun van Sadok, was die priester;

3 Elihóref en Ahía, die seuns van Sisa, was skrywers; Iosafat, die seun van Ahílud, was kanselier.

4 En Benaia, die seun van Ioiada, was oor die leër, en Sadok en Abiatar was priesters.

5 En Asaria, die seun van Natan, was oor die bestuurders; en Sabud, die seun van Natan, 'n priester, was die vriend van die koning.

6 En Ahísar was oor die paleis; en Adoníram, die seun van Abda, was oor die dwangarbeid.

7 Verder het Solomon oor die hele Israhel twaalf bestuurders gehad wat die koning en sy paleis onderhou het; elkeen het 'n maand in die jaar die onderhoud op hom gehad.

8 En dít is hulle name: Ben-Hur op die gebergte van Efraim;

9 Ben-Deker in Makas en in Saälbim en Bet-Semes en Elon-Bet-Hanan;

10 Ben-Hesed in Arúbbot; hy het Sogo en die hele land Hefer gehad;

11 Ben-Abinádab, die hele hoëveld van Dor; hy het Tafat, die dogter van Solomon, as vrou gehad.

12 Báäna, die seun van Ahílud, het gehad: Táanag en Megíddo en die hele Bet-Sean wat langs Sartan onderkant Jísreël lê, van Bet-Sean af tot by Habal-Mehóla, tot verby Jókmeam.

13 Ben-Geber was in Ramot in Gílead; hy het die dorpe van Jaïr, die seun van Manasse, gehad wat in Gílead lê; hy het die landstreek Argob gehad wat in Basan lê: sestig groot stede met mure en kopergrendels.

14 Ahínadab, die seun van Iddo, was in Mahanáim.

15 Ahímaäs in Náftali; hy het ook 'n dogter van Solomon, Basmat, as vrou geneem.

16 Báäna, die seun van Húsai, was in Aser en in Alot;

17 Iosafat, die seun van Parúag, in Issaskar;

18 Símeï, die seun van Ela, in Beniamin;

19 Geber, die seun van Uri, in die land Gílead, die land van Sihon, die koning van die Amoriete, en van Og, die koning van Basan; en hy was die enigste bestuurder in die land.

20 Juda en Israhel was talryk soos die sand wat aan die seestrand is in menigte; hulle het geëet en gedrink en was bly.

21 Verder was Solomon Meester oor al die koninkryke van die Eufraat af tot by die land van die Filistyne, en tot by die grens van Egipte; hulle het belasting aangebring en Solomon gedien al

die dae van sy lewe.

22 En Solomon se voedsel vir een dag was dertig kor fynmeel en sestig kor meel;

23 tien vetgemaakte beeste en twintig veldbeeste en honderd stuks kleinvee, behalwe die takbokke en gemsbokke en gestippelde takbokke en vetgemaakte ganse.

24 Want hy het geheers oor alles wes van die Eufraat, van Tifsag af tot by Gasa, oor al die konings wes van die Eufraat, en vrede gehad aan alle kante rondom;

25 sodat Juda en Israhel veilig gewoon het, elkeen onder sy wingerdstok en onder sy vyeboom, van Dan tot Berséba, al die dae van Solomon.

26 Verder het Solomon veertig duisend krippe gehad vir sy trekperde, en twaalf duisend ryperde.

27 En daardie bestuurders het elkeen in sy maand koning Solomon onderhou en almal wat aan die tafel van koning Solomon kom; hulle het niks laat kortkom nie.

28 En die gars en die strooi vir die perde en die renperde het hulle gebring op die plek waar dit moes wees, elkeen volgens sy orde.

29 En Aleim het aan Solomon wysheid gegee en 'n baie groot verstand en 'n ruimte van insig soos die sand wat aan die seestrand lê,

30 sodat die wysheid van Solomon groter was as die wysheid van al die kinders van die Ooste en as al die wysheid van Egipte.

31 Ja, hy was wyser as al die mense, as Etan, die Esrahiet, en Heman en Kalkol en Darda, die seuns van Mahol, sodat hy beroemd was onder al die nasies rondom.

32 En hy het drie duisend spreuke uitgespreek, en sy liedere was duisend en vyf.

33 En hy het oor die bome gespreek, van die seder op die Líbanon tot die hisop wat teen die muur uitspruit; ook het hy gespreek oor die vee en oor die voëls en oor die kruipende diere en oor die visse.

34 En van al die volke het hulle gekom om na die wysheid van Solomon te luister, van al die konings van die aarde wat van sy wysheid gehoor het.

Solomon se Ooreenkoms met Koning Hiram.

5 En Hiram, die koning van Tirus, het sy dienaars na Solomon gestuur, omdat hy gehoor het dat hulle hom in sy vader se plek as koning gesalf het, want Hiram was altyd 'n vriend van Daud.

2 Daarop laat Solomon aan Hiram weet:

3 U weet self dat my vader Daud geen huis vir die Naam van IEUE sy Aleim kon bou nie vanweë die oorlog waarmee hulle hom omring het, totdat

IEUE hulle onder sy voetsole gebring het.

4 Maar nou het IEUE my Aleim my rus gegee rondom; daar is geen teëstander en daar is geen onheil wat dreig nie.

5 En kyk, ek is van plan om vir die Naam van IEUE my Aleim 'n huis te bou soos IEUE met my vader Daud gespreek en gesê het: Jou seun wat Ek in jou plek op jou troon sal sit, hy sal die huis vir My Naam bou.

6 Gee dan nou bevel dat hulle vir my seders uit die Líbanon kap, en laat my dienaars saam met u dienaars wees, en die loon van u dienaars sal ek u gee net soos u sê; want u weet self dat onder ons niemand is wat verstaan om bome te kap soos die Sidoniërs nie.

7 Net toe Hiram die woorde van Solomon hoor, was hy baie bly en sê: Geseënd is IEUE vandag wat vir Daud 'n wyse seun gegee het oor hierdie groot volk.

8 Daarop laat Hiram aan Solomon weet: Ek het gehoor wat u my laat weet het; ék sal doen alles wat u verlang insake die sederhout en die sipreshout.

9 My dienaars sal dit van die Líbanon na die see afbring, en ék sal daar vlotte van maak op die see, tot by die plek wat u my sal laat weet, en ek sal dit daar uitmekaar laat neem; dan kan ú dit laat wegneem; en ú moet doen wat ek verlang deur voedsel aan my huis te lewer.

10 So het Hiram dan aan Solomon sederhout en sipreshout gelewer, soveel as hy wou hê,

11 terwyl Solomon aan Hiram gelewer het twintig duisend kor koring as voedsel vir sy huis en twintig kor uitgestampde olie; so het Solomon aan Hiram jaar vir jaar gelewer.

12 En IEUE het aan Solomon wysheid gegee volgens sy belofte, en daar was vrede tussen Hiram en Solomon, en hulle twee het 'n verbond gesluit.

13 Verder het koning Solomon uit die hele Israhel die dwangarbeiders laat opkom, sodat die dwangarbeiders dertig duisend man was.

14 En hy het hulle gestuur na die Líbanon, tien duisend elke maand by beurte; een maand was hulle op die Líbanon, twee maande tuis; en Adoníram was oor die dwangarbeid.

15 Solomon het ook sewentig duisend draers en tagtig duisend klipkappers op die gebergte gehad,

16 behalwe die hoofopsigters van Solomon wat oor die werk was, drie duisend drie honderd wat bevel gevoer het oor die mense wat die werk doen.

17 En die koning het bevel gegee om groot klippe, kosbare klippe uit te breek om die fondament van die huis met gekapte klippe te lê.

18 En die bouers van Solomon en die bouers van Hiram en die Gibliete het dit gekap en die boomstamme en die klippe bewerk om die huis te

bou.

Solomon Bou die Tempel.

6 En in die vier honderd en tagtigste jaar ná die uittoeg van die kinders van Israhel uit Egipteland, in die vierde jaar van Solomon se regering oor Israhel, in die maand Sif--dit is die tweede maand--het hy die huis vir IEUE gebou.

2 En die huis wat koning Solomon vir IEUE gebou het, was sestig el in sy lengte en twintig in sy breedte en dertig el in sy hoogte.

3 En die voorportaal, aan die voorkant van die hoofvertrek van die huis, was twintig el in sy lengte, oor die breedte van die huis; tien el in sy breedte aan die voorkant van die huis.

4 En hy het aan die huis vensters gemaak met smal latwerk.

5 En teen die muur van die huis het hy rondom 'n aanbousel opgetrek, aan die mure van die huis rondom die hoofvertrek en die binneste vertrek, en hy het dit rondom in verdiepings gemaak.

6 Die onderste verdieping was vyf el in sy breedte en die middelste ses el in sy breedte en die derde sewe el in sy breedte; want hy het vir die huis rondom buitekant inkortings gemaak, om nie in die mure van die huis in te las nie.

7 En toe die huis gebou is, is dit opgetrek van klippe, kant en klaar uit die breekplek: hamers en koubeitels, enige ystergereedskap, is nie gehoor by die huis toe dit gebou is nie.

8 Die ingang van die onderste verdieping was aan die suidelike sykant van die huis, en wenteltrappe het opgegaan na die middelste, en van die middelste na die derde.

9 En toe hy die huis klaar gebou het, het hy die huis oordek, by wyse van vakke en rye, met sederhout.

10 En hy het die aanbousel teen die hele huis gebou; vyf el was elke verdieping hoog; en hy het dit aan die huis bevestig met sederbalke.

11 En die Woord van IEUE het tot Solomon gekom en gesê:

12 Wat hierdie huis betref, wat jy besig is om te bou--as jy wandel in My insettinge en My verordeninge uitvoer en al My gebooe onderhou om daarin te wandel, dan sal Ek My woord wat Ek tot jou vader Daud gespreek het, aan jou vervul;

13 dan sal Ek onder die kinders van Israhel woon en My volk Israhel nie verlaat nie.

14 Toe Solomon die huis klaar gebou het,

15 het hy die mure van die huis van binne bedek met sederplanke; van die vloer van die huis af tot by die balke van die plafon het hy dit van binne met hout belê, en die vloer van die huis het hy met sipresplanke belê.

16 Verder het hy die twintig el van die agterkant van die huis met sederplanke bedek, van die vloer af tot by die balke, en dit aan die binnekant as 'n binneste vertrek, as 'n Allerheiligste, gebou.

17 En vooraan was die huis, dit is die hoofvertrek, veertig el.

18 En sederhout was aan die huis binnekant: snywerk van kolokwinte en oop blomknoppe, dit alles van sederhout; geen klip was daar te sien nie.

19 So het hy dan 'n binneste vertrek binnekant in die middel van die huis ingerig om die verbondsark van IEUE daar neer te sit.

20 En die binneste vertrek was twintig el in lengte en twintig el in breedte en twintig el in sy hoogte, en hy het dit oorgetrek met fyn goud; en die altaar het hy met sederhout bedek.

21 Verder het Solomon die huis van binne met fyn goud oorgetrek, en hy het 'n afsluiting met goue kettings gemaak voor die binneste vertrek, wat hy met goud oorgetrek het.

22 En die hele huis het hy met goud oorgetrek, totdat die hele huis daarmee bedek was; en die hele altaar wat by die binneste vertrek behoort, het hy met goud oorgetrek.

23 Verder het hy in die binneste vertrek twee gérubs gemaak van oliewenhout, tien el hoog.

24 En vyf el was die een vlerk van die gérub, en vyf el was die ander vlerk van die gérub: tien el van die een punt van sy vlerke tot by die ander punt daarvan.

25 En tien el die tweede gérub: altwee die gérubs het een maat en een gestalte gehad.

26 Die hoogte van die een gérub was tien el, en net so die ander gérub.

27 Toe het hy die gérubs in die middel van die binneste vertrek gesit, en die vlerke van die gérubs was uitgesprei, sodat die vlerk van die een aan die een muur en die vlerk van die ander gérub aan die ander muur raak, terwyl hulle vlerke, na die middel van die vertrek toe, vlerk teen vlerk raak.

28 Verder het hy die gérubs met goud oorgetrek.

29 En aan al die mure van die huis rondom, van die binneste en die buitenste vertrek, het hy figure van gérubs en palmbome en oop blomknoppe laat uitsny.

30 En die vloer van die huis, van die binneste en die buitenste vertrek, het hy met goud oorgetrek.

31 En as ingang van die binneste vertrek het hy deure van oliewenhout gemaak; die uitspringende raamwerk van die deurposte het die vorm van 'n vyfhoek gehad.

32 En die twee deurvleuels was van oliewenhout, en daarop het hy figure van gérubs en palmbome en oop blomknoppe laat uitsny en dit met goud oorgetrek, en die goud op die gérubs en op die palmbome ingeslaan.

33 En net so het hy vir die ingang van die hoofvertrek gemaak: deurposte van oliewenhout, vierkantig;

34 en twee deurvleuels van sipreshout: die een vleuel van twee draaibare helftes en die ander

vleuel van twee draaibare helftes.

35 En hy het daarop gérubs en palmbome en oop blomknoppe uitgesny, en met goud, dun oor die snywerk uitgeslaan, oorgetrek.

36 Verder het hy die binneste voorhof gebou van drie lae gekapte klip en een laag sederbalke.

37 In die vierde jaar is die fondament van die huis van IEUE gelê, in die maand Sif,

38 en in die elfde jaar, in die maand Bul--dit is die agtste maand--was die huis voltooi in al sy dele en volgens al sy vereistes, sodat hy sewe jaar daaraan gebou het.

Die Konstruksie en Meubels van die Tempel.

7 Maar aan sy huis het Solomon dertien jaar gebou en die hele huis voltooi.

2 Hy het naamlik die huis van die Líbanon-bos gebou, honderd el in sy lengte en vyftig el in sy breedte en dertig el in sy hoogte, op vier rye sederpilare en sederbalke op die pilare.

3 En dit was van bo oordek met sederhout, op die verdiepings wat rus op die pilare, vyf en veertig bo-vertrekke, vyftien in 'n ry.

4 En daar was drie rye vensters van latwerk; en oop venster teenoor oop venster, drie maal.

5 En al die deure met die vensters was vierkantig van houtwerk, en venster was teenoor venster, drie maal.

6 En die pilare-voorhuis het hy gemaak, vyftig el in sy lengte en dertig el in sy breedte, met 'n voorportaal daarvoor, naamlik pilare en 'n afdak daaroor.

7 Verder het hy die troonsaal gemaak waar hy reggespreek het, die regsaaal, en dit was bedek met sederhout van vloer tot vloer.

8 Ook sy huis waar hy gewoon het, in die ander voorhof, van die saal af binnekant toe, was van dieselfde maaksel; en hy het vir die dogter van Farao wat Solomon geneem het, 'n huis gemaak soos hierdie saal.

9 Dit was alles van kosbare klippe, volgens die maat van gekapte klip, aan die binne- en buitekant met die saag bewerk, naamlik van die fondament af tot by die muurplate, en van die buitekant af tot by die groot voorhof.

10 En die fondament was van kosbare klippe, groot klippe, klippe van tien el en klippe van agt el.

11 En daar bo-op was kosbare klippe, volgens die maat van gekapte klip, en sederhout.

12 En die groot voorhof was rondom van drie lae gekapte klip en 'n laag sederbalke, net soos by die binneste voorhof van die huis van IEUE en by die saal van die paleis.

13 En koning Solomon het Hiram uit Tirus laat haal.

14 Hy was die seun van 'n weduvrou uit die stam van Náftali, en sy vader was 'n man van Tirus, 'n

kopersmid; en hy was vol wysheid en verstand en kennis om allerhande werk in koper te maak. Hy het toe by koning Solomon gekom en al sy werk uitgevoer.

15 Hy het naamlik die twee pilare van koper gevorm; agttien el was die hoogte van die een pilaar, en 'n lyn van twaalf el kon die tweede pilaar omspan.

16 En hy het twee kapitele gemaak om op die toppe van die pilare te sit, gietwerk van koper; vyf el was die hoogte van die een kapiteel, en vyf el was die hoogte van die ander kapiteel.

17 Daar was vlegwerke--die maaksel van die vlegwerk was gedraaide drade, 'n maaksel van kettinkies--vir die kapitele op die top van die pilare; sewe vir die een kapiteel en sewe vir die ander kapiteel.

18 Verder het hy die granaatjies gemaak, naamlik twee rye rondom oor die een vlegwerk, om die kapitele op die top van die pilare te bedek; en net so het hy vir die ander kapiteel gemaak.

19 En die kapitele op die top van die pilare aan die voorportaal was vier el, lelievormig,

20 naamlik die kapitele op die twee pilare bo-aan, verby die vlegwerk wat vlak op die bol was. En die granaatjies was twee honderd, in rye rondom, ook oor die tweede kapiteel.

21 En hy het die pilare opgerig by die voorportaal van die hoofvertrek. Toe hy die regterpilaar opgerig het, noem hy dit Jagin; en toe hy die linkerpilaar opgerig het, noem hy dit Boas.

22 Toe die leliework op die top van die pilare was, was die werk aan die pilare voltooi.

23 Verder het hy die see gemaak van gietwerk; van rand tot rand was tien el, heeltemal rond; en die hoogte daarvan was vyf el, en 'n lyn van dertig el kon dit rondom omspan.

24 En kolokwinte onder die rand daarvan het dit rondom omring; tien op die el het hulle die see rondom omring: twee rye kolokwinte wat aan die gietwerk daarvan vasgegies is.

25 Dit het gestaan op twaalf beeste: drie kyk na die noorde, en drie kyk na die weste, en drie kyk na die suide, en drie kyk na die ooste toe, terwyl die see bo-op hulle was, en al hulle agterdele was binnekant toe.

26 En die dikte daarvan was 'n handbreed, en sy rand was in die vorm van 'n bekerrand, soos 'n lelieblom; dit het twee duisend bat gehou.

27 Hy het ook die tien afspoelwaentjies van koper gemaak; die lengte van elke afspoelwaentjie was vier el, en vier el sy breedte en drie el sy hoogte.

28 En dit was die maaksel van die bak: dit het sluitplate gehad, naamlik sluitplate tussen die sporte;

29 en op die sluitplate tussen die sporte was

leeus, beeste en gérubs; en net so op die sporte; bokant en onderkant die leeus en beeste was afhangende kransversierings.

30 En elke afspoelwaentjie het vier koperwiele en koperasse gehad, en sy vier hoekstyle het skouerstukke gehad; onder teen die wasbak was die skouerstukke vasgegiet; teenoor elkeen was kranse.

31 En die opening daarvan was binnekant die kraag, en boontoe een el; en die opening daarvan was rond, in die vorm van 'n voetstuk, anderhalf el; en ook die opening daarvan was graveerwerk, maar die sluitplate daarvan was vierkantig, nie rond nie.

32 En die vier wiele was onder die sluitplate, en die kloue van die wiele was in die bak, terwyl die hoogte van elke wiel anderhalf el was.

33 En die maaksel van die wiele was in die vorm van 'n wawiel; die kloue en die vellings en die speke en die nawe daarvan was alles gietwerk.

34 En vier skouerstukke was aan die vier hoeke van elke afspoelwaentjie; die skouerstukke daarvan was met die bak saam uit een stuk.

35 En bo-aan die afspoelwaentjie was daar 'n kraag van 'n half-el hoog, heeltemal rond; en bo-op die bak was die kloue en sluitplate daarvan, daarmee saam uit een stuk.

36 En hy het op die vlakke van die kloue en sluitplate daarvan gérubs, leeus en palmbome gegraveer volgens die ruimte van elkeen, en blomkranse rondom.

37 So het hy die tien afspoelwaentjies gemaak: een en dieselfde gietwerk, een maat, een vorm het hulle almal gehad.

38 Verder het hy tien koperwaskomme gemaak; elke kom het veertig bat gehou; elke kom was vier el; een kom was op elke bak van die tien afspoelwaentjies.

39 Toe het hy die afspoelwaentjies opgestel: vyf aan die suidekant van die huis en vyf aan die noordekant van die huis; maar die see het hy aan die suidekant van die huis opgestel, teen die ooste na die suide toe.

40 Verder het Hiram die potte en die skoppe en die komme gemaak. So het Hiram dan al die werk voleindig wat hy vir koning Solomon in die huis van IEUE gedoen het:

41 twee pilare met die twee bolle van die kapitele wat op die top van die pilare was, en die twee stukke vlegwerk om die twee bolle van die kapitele op die top van die pilare te oordek;

42 en die vier honderd granaatjies vir die twee stukke vlegwerk: twee rye granaatjies vir elke vlegwerk, om die twee bolle van die kapitele bo-op die pilare te oordek;

43 en die tien afspoelwaentjies en die tien waskomme op die afspoelwaentjies;

44 en die een see en die twaalf beeste onder die see;

45 en die potte en die skoppe en die komme: al hierdie voorwerpe wat Hiram vir koning Solomon in die huis van IEUE gemaak het, was van gepolyste koper.

46 In die Jordaanstreek waar die grond diep was, tussen Sukkot en Sartan, het die koning dit gegiet.

47 En Solomon het al die voorwerpe ongeweeg laat bly vanweë die baie groot menigte; die gewig van die koper is nie bereken nie.

48 Verder het Solomon al die voorwerpe wat in die huis van IEUE was, gemaak: die goue altaar en die tafel waar die toonbrode op moes lê, van goud;

49 en die kandelaars, vyf regs en vyf links, voor die binneste vertrek, van fyn goud; en die blomwerk en die lampe en die snuiters, van goud;

50 en die skottels en die messe en die komme en die rookpanne en die vuurpanne, van fyn goud; en die skarniere vir die deure van die binneste vertrek, van die Allerheiligste, en vir die deure van die saal, van die hoofvertrek, van goud.

51 En toe al die werk wat koning Solomon in die huis van IEUE gemaak het, gereed was, het Solomon die geheiligde gawes van sy vader Daud ingebring; die silwer en die goud en die voorwerpe het hy in die skatkamers van die huis van IEUE neergesit.

Die Ark word in die Tempel Gebring.

8 Daarna het Solomon die oudstes van Israhel en al die stamhoofde, die familie-owerstes van die kinders van Israhel, by koning Solomon in Jerusalem byeen laat kom om die verbondsark van IEUE uit die stad van Daud, dit is Sion, op te bring.

2 En al die manne van Israhel het by koning Solomon op die fees vergader in die maand Étanim, dit is die sewende maand.

3 Toe al die oudstes van Israhel daar kom, het die priesters die ark opgeneem

4 en die ark van IEUE en die tent van samekoms gebring saam met al die heilige voorwerpe wat in die tent was; naamlik die priesters en die Leviete het dit gebring.

5 En terwyl koning Solomon en die hele by hom vergaderde gemeente van Israhel saam met hom voor die ark staan, het hulle kleinvee en beeste geoffer wat vanweë die menigte nie getel of bereken kon word nie.

6 Verder het die priesters die verbondsark van IEUE na sy plek gebring, in die binneste vertrek van die huis, in die Allerheiligste, onder die vlerke van die gérubs in.

7 Want die gérubs het die vlerke uitgesprei oor die plek van die ark, sodat die gérubs die ark en sy draaghoute van bo af beskut het.

8 En die draaghoute was so lank, dat die punte van die draaghoute uit die Heilige, vlak voor die

binneste vertrek, gesien kon word, maar verder buitentoe was hulle nie sigbaar nie; en hulle is daar tot vandag toe.

9 Daar was niks in die ark nie as net die twee kliptafels wat Moses by Horeb daarin neergelê het, toe IEUE 'n verbond met die kinders van Israhel gesluit het by hulle uittoeg uit Egipteland.

10 En toe die priesters uit die heiligdom uitgaan, het die wolk die huis van IEUE vervul.

11 En die priesters kon vanweë die wolk nie staan om diens te doen nie, want die heerlijkheid van IEUE het die huis van IEUE vervul.

12 Toe het Solomon gesê: IEUE het gesê dat Hy in donkerheid wil woon.

13 Verseker het ek vir U 'n woonhuis gebou, 'n vaste plek vir U om ewig in te woon.

14 Daarop draai die koning sy aangesig om en sien die hele vergadering van Israhel, terwyl die hele vergadering van Israhel staan.

15 En hy sê: Geloofd sy IEUE, die Aleim van Israhel, wie se hand volbring het wat Sy mond met my vader Daud gespreek en gesê het:

16 Van die dag af dat Ek My volk Israhel uit Egipte uitgelei het, het Ek geen stad verkies uit al die stamme van Israhel om 'n huis te bou, dat My Naam daar sou wees nie; maar Ek het Daud verkies om oor My volk Israhel te wees.

17 Toe dit dan in die hart van my vader Daud was om 'n huis te bou vir die Naam van IEUE, die Aleim van Israhel,

18 het IEUE aan my vader Daud gesê: Dat dit in jou hart was om vir My Naam 'n huis te bou--daarin het jy goed gehandel, dat dit in jou hart was.

19 Net maar, jy sal die huis nie bou nie, maar jou seun wat uit jou lendene sal voortkom, dié sal vir my Naam die huis bou.

20 En IEUE het Sy Woord vervul wat Hy gespreek het, sodat ek opgestaan het in die plek van my vader Daud, en ek sit op die troon van Israhel soos IEUE gespreek het; en ek het die huis gebou vir die Naam van IEUE, die Aleim van Israhel,

21 en daar 'n plek ingerig vir die ark, waarin die verbond van IEUE is, met ons vaders gesluit toe Hy hulle uit Egipteland uitgelei het.

22 Toe het Solomon voor die altaar van IEUE gaan staan, tekenend die hele vergadering van Israhel, en sy hande uitgebrei na die hemel

23 en gesê: HERE, Aleim van Israhel, daar is bo in die hemel of onder op die aarde geen Aleim soos U nie, wat die verbond en die goedertierenheid hou vir u knegte wat voor U aangesig wandel met hulle hele hart,

24 wat vir U kneg, my vader Daud, U belofte aan hom gehou het; ja, met U mond het U dit gespreek en met U hand volbring soos dit vandag is.

25 Hou nou ook, HERE, Aleim van Israhel, die belofte wat U aan U kneg, my vader Daud,

gedoen het, naamlik: Daar sal vir jou nooit 'n man voor my aangesig ontbreek wat op die troon van Israhel sal sit nie as jou seuns net hulle weg in ag neem deur te wandel voor My aangesig soos jy voor My aangesig gewandel het.

26 Laat dan nou, o Aleim van Israhel, U Woord tog waargemaak word wat U gespreek het tot U kneg, my vader Daud.

27 Maar sou Aleim werklik op die aarde woon? Kyk, die hemel, ja, die hoogste hemel kan U nie bevat nie, hoeveel minder hierdie huis wat ek gebou het.

28 Wend U dan tot die gebed van U kneg en tot sy smeking, HERE my Aleim, deur te luister na die geroep en die gebed wat U kneg vandag voor U aangesig bid;

29 sodat U oë oop mag wees nag en dag oor hierdie huis, oor die plek waarvan U gesê het: My Naam sal daar wees! sodat U mag luister na die gebed wat U kneg na hierdie plek toe sal bid.

30 Luister dan na die smeking van U kneg en van U volk Israhel wat hulle na hierdie plek toe sal bid; ja, mag U hoor elke gebed na U woonplek, na die hemel toe, en as U dit hoor, vergewe dan.

31 As iemand teen sy naaste sondig en hulle hom 'n eed oplê om hom tot selfvervloeking te bring en hy voor U altaar in hierdie huis kom sweer,

32 wil U dan hoor in die hemel en handel en U knegte reg verskaf deur die skuldige skuldig te verklaar en sy wandel op sy hoof te lê en die regverdige regverdig te verklaar deur hom te gee na sy geregtigheid.

33 As U volk Israhel verslaan word voor 'n vyand, omdat hulle teen U gesondig het, en hulle hul tot U bekeer en U Naam bely en tot U bid en smeek in hierdie huis,

34 wil U dan hoor in die hemel en die sonde van U volk Israhel vergewe en hulle terugbring na die land wat U aan hulle vaders gegee het.

35 As die hemel toegesluit bly, dat daar geen reën is nie, omdat hulle teen U gesondig het, maar hulle na hierdie plek toe bid en U Naam bely en van hulle sonde hul bekeer, omdat U hulle verootmoedig,

36 wil U dan hoor in die hemel en die sonde van U knegte en van U volk Israhel vergewe--want U leer hulle die goeie weg waar hulle in moet wandel--en gee reën op u land wat U aan U volk as 'n erfenis gegee het.

37 As daar hongersnood is in die land, as daar pes is, as daar brandkoring, heuningdou, sprinkane, kaalvreter is, as sy vyand hom in die land, in sy poorte dit benoud maak, watter plaag, watter siekte ook al,

38 enige gebed, enige smeking wat enigeen van U hele volk Israhel sal doen, as elkeen die plaag van sy hart ken, sodat hy sy hande na hierdie huis toe uitbrei--

39 wil U dan hoor in die hemel, U vaste woonplek, en vergewe en handel en aan elkeen gee volgens sy weë, U wat sy hart ken--want U alleen ken die hart van al die mensekinders--

40 sodat hulle U kan vrees al die dae wat hulle leef in die land wat U aan ons vaders gegee het.

41 Ja, ook na die uitlander wat nie van U volk Israhel is nie, en uit 'n ver land ter wille van U Naam kom--

42 want hulle sal hoor van U grote Naam en U sterke hand en U uitgestrekte arm--as hy kom en bid na hierdie huis toe,

43 wil U dan hoor uit die hemel, U vaste woonplek, en doen volgens alles waaroor die uitlander U sal aanroep, sodat al die volke van die aarde U Naam mag ken, om U te vrees soos U volk Israhel, en mag gewaar word dat U Naam uitgeroep is oor hierdie huis wat ek gebou het.

44 As U volk uittrek in die oorlog teen sy vyand op die pad waarop U hulle stuur, en hulle bid tot IEUE in die rigting van die stad wat U verkies het, en van die huis wat ek vir U Naam gebou het,

45 wil dan in die hemel hulle gebed en hulle smeking hoor en aan hulle hul reg verskaf.

46 As hulle teen U sondig--want daar is geen mens wat nie sondig nie--en U op hulle toornig is en hulle aan 'n vyand oorgee en hulle veroweraars hulle as gevangenes wegvoer na die land van die vyand, ver of naby,

47 en hulle dit ter harte neem in die land waarheen hulle as gevangenes weggevoer is, en hulle hul bekeer en U smek in die land van die wat hulle weggevoer het, en sê: Ons het gesondig en verkeerd gehandel, ons was godeloos--

48 en hulle hul tot U bekeer met hul hele hart en met hul hele siel, in die land van hul vyande wat hulle weggevoer het, en hulle bid tot U in die rigting van hulle land wat U aan hulle vaders gegee het, van die stad wat U verkies het, en die huis wat ek vir U Naam gebou het,

49 wil dan in die hemel, u vaste woonplek, hulle gebed en hulle smeking hoor en aan hulle hul reg verskaf,

50 en vergeef U volk wat hulle teen U gesondig het, ja, al hulle oortredinge wat hulle teen U begaan het; en laat hulle barmhartigheid vind voor die wat hulle weggevoer het, dat dié hulle barmhartig kan wees.

51 Want hulle is U volk en U erfdeel wat U uit Egipte uitgelei het uit die ystersmeltoond.

52 Mag U oë dan oop wees vir die smeking van U kneg en vir die smeking van U volk Israhel, om na hulle te luister so dikwels as hulle U aanroep.

53 Want U het hulle vir U as erfdeel afgesonder uit al die volke van die aarde, soos U deur die diens van U kneg Mouses gespreek het toe U, Here HERE, ons vaders uit Egipte uitgelei het.

54 Net toe Solomon gereed was om hierdie hele gebed en smeking tot IEUE te bid, het hy voor die

altaar van IEUE opgestaan uit sy knielende houding, met sy hande na die hemel uitgebrei;

55 en hy het gaan staan en die hele vergadering van Israhel hardop geseën en gesê:

56 Geloofd sy IEUE wat aan Sy volk Israhel rus gegee het net soos Hy gespreek het: geen enkele Woord het onervuld gebly van al die goeie Woorde wat Hy deur die diens van Sy kneg Mouses gespreek het nie.

57 Mag IEUE onse Aleim met ons wees soos Hy met ons vaders gewees het; mag Hy ons nie verlaat en ons nie verwerp nie--

58 deur ons hart tot Hom te neig om in al Sy weë te wandel en om Sy gebooie en Sy insettinge en Sy verordeninge wat Hy ons vaders beveel het, te onderhou.

59 En mag hierdie woorde van my, waarmee ek voor die aangesig van IEUE gesmeek het, dag en nag naby IEUE onse Aleim wees, sodat Hy reg kan verskaf aan Sy kneg en aan Sy volk Israhel na die eis van elke dag;

60 sodat al die volke van die aarde kan weet dat IEUE Aleim is, niemand meer nie.

61 Laat julle hart dan volkome met IEUE onse Aleim wees om te wandel in Sy insettinge en Sy gebooie te onderhou, soos vandag.

62 En die koning, en die hele Israhel saam met hom, was besig om slagoffers voor die aangesig van IEUE te slag.

63 Solomon het naamlik as die dankoffer wat hy aan IEUE gebring het, twee en twintig duisend beeste en honderd en twintig duisend stuks kleinvee geslag; so het hulle dan die huis van IEUE ingewy, die koning en al die kinders van Israhel.

64 Op dié dag het die koning die middel van die voorhof geheilig wat voor die huis van IEUE was; want daar het hy die brandoffer en die spysoffer en die vetstukke van die dankoffers berei, omdat die koperaltaar voor die aangesig van IEUE te klein was om die brandoffer en die spysoffer en die vetstukke van die dankoffers te bevat.

65 So het Solomon dan in dié tyd die fees gehou en die hele Israhel saam met hom, 'n groot vergadering van die ingang na Hamat af tot by die spruit van Egipte, voor die aangesig van IEUE onse Aleim, sewe dae en sewe dae, veertien dae lank.

66 Op die agtste dag het hy die volk laat gaan, en hulle het die koning geseën en na hul tente gegaan, verheug en opgeruimd oor al die goeie dinge wat IEUE aan Sy kneg Daud en Sy volk Israhel gedoen het.

Aleim se Belofte aan Solomon.

9 Net toe Solomon gereed was met die bou van die huis van IEUE en die huis van die koning en elke begeerte wat Solomon wou uitvoer,

2 verskyn IEUE vir die tweede maal aan Solomon

soos Hy aan hom verskyn het in Gíbeon;

3 en IEUE sê vir hom: Ek het jou gebed en jou smeking gehoor wat jy voor My aangesig uitgespreek het; Ek het hierdie huis wat jy gebou het, geheilig deur My Naam daar te vestig tot in ewigheid; en My oë en My hart sal daar altyd wees.

4 En wat jou betref, as jy wandel voor My aangesig soos jou vader Daudid gewandel het, met 'n volkome hart en in opregtheid deur te doen net soos Ek jou beveel het, en My insettinge en verordeninge onderhou,

5 dan sal Ek die troon van jou koningskap oor Israhel vir ewig bevestig, soos Ek jou vader Daudid beloof het deur te sê: Daar sal vir jou nooit 'n man ontbreek op die troon van Israhel nie.

6 As julle en julle kinders ooit van My afvallig word en My gebooie, My insettinge wat Ek julle voorgehou het, nie onderhou nie, maar ander gode gaan dien en voor hulle neerbuig,

7 dan sal Ek Israhel uit die land uitroei wat Ek hulle gegee het, en die huis wat Ek vir My Naam geheilig het, sal Ek van My aangesig wegwerp, sodat Israhel 'n spreekwoord en 'n spotlied sal word onder al die volke.

8 En hierdie huis wat so hoog is--elkeen wat daarlangs verbygaan, sal hom verbaas en spot, en hulle sal vra: Waarom het IEUE so gedoen met hierdie land en met hierdie huis?

9 Dan sal hulle sê: Omdat hulle IEUE hul Aleim verlaat het wat hulle vaders uit Egipteland uitgelei het, en ander gode aangehang en daarvoor neergebuig en hulle gedien het--daarom het IEUE al hierdie onheil oor hulle gebring.

10 En aan die einde van twintig jaar waarin Solomon die twee huise, die huis van IEUE en die huis van die koning, gebou het--

11 Hiram, die koning van Tirus, het Solomon gehelp met sederhout en sipreshout en goud soveel as hy wou hê--gee koning Solomon aan Hiram twintig stede in die land Galiléa.

12 En Hiram het uit Tirus uitgetrek om die stede te bekijk wat Solomon hom gegee het, maar hulle was nie reg in sy oë nie.

13 Daarop sê hy: Wat vir stede is dit wat jy my gegee het, my broer? En hulle noem dit die land Kabul, tot vandag toe.

14 En Hiram het aan die koning honderd en twintig talente goud gestuur.

15 En dit was die saak van die dwangarbeiders wat koning Solomon laat opkom het om die huis van IEUE en sy huis en Millo en die muur van Jerusalem en Hasor en Megíddo en Geser te bou.

16 Farao, die koning van Egipte, het opgetrek en het Geser ingeneem en dit met vuur verbrand en die Kanaäniete wat in die stad gewoon het, gedood en dit as 'n trougeskenk aan sy dogter, die vrou van Solomon, gegee.

17 So het Solomon dan Geser opgebou en

Bet-Horon-Onder

18 en Báälat en Tamar in die woestyn, in die land,

19 en al die voorraadstede wat Solomon gehad het, en die stede vir die strydwaens en die stede vir die perderuiters en wat Solomon graag wou gebou het in Jerusalem en in die Líbanon en in die hele land van sy heerskappy.

20 Al die mense wat oorgebly het van die Amoriete, Hetiete, Feresiete, Hewiete en Jebusiete, wat nie uit die kinders van Israhel was nie--

21 hulle kinders wat ná hulle in die land oorgebly het, wat die kinders van Israhel nie met die banvloek kon tref nie, dié het Solomon laat opkom vir dwangarbeid, tot vandag toe.

22 Maar van die kinders van Israhel het Solomon niemand 'n slaaf gemaak nie, maar hulle was krygsmanne en sy dienaars en sy owerstes en sy adloudante en owerstes oor sy strydwaens en sy perderuiters.

23 Dit was die hoofopsigters van Solomon oor die werk: vyf honderd en vyftig wat oor die mense wat die werk verrig, bevel gevoer het.

24 Skaars het die dogter van Farao opgetrek uit die stad van Daudid na haar huis wat hy vir haar gebou het, of hy het Millo gebou.

25 En Solomon het drie maal in die jaar brandoffers en dankoffers gebring op die altaar wat hy vir IEUE gebou het, hy het naamlik rook laat opgaan by die altaar wat daar was voor die aangesig van IEUE, sodat hy die huis voltooi het.

26 Koning Solomon het ook skepe gebou in Éseon-Geber wat by Elot aan die kus van die Rooi see in die land Edom lê.

27 Toe stuur Hiram sy dienaars op die skepe, seevaarders wat die see ken, saam met die dienaars van Solomon;

28 en hulle het in Ofir aangekom en daarvandaan goud gaan haal, vier honderd en twintig talente, en dit na koning Solomon gebring.

Solomon Rykdom en Bekendheid.

10 En toe die koningin van Skeba die gerug van Solomon hoor in verband met die Naam van IEUE, het sy gekom om hom met raaisels op die proef te stel.

2 En sy het na Jerusalem gekom met 'n baie groot trek, met kamele wat speserye en 'n menigte goud en edelgesteentes dra; en toe sy by Solomon inkom, het sy met hom gespreek oor alles wat in haar hart was.

3 En Solomon het haar al haar woorde verklaar; geen woord was vir die koning te diepsinnig om haar dit te verklaar nie.

4 Toe die koningin van Skeba dan al die wysheid van Solomon sien en die huis wat hy gebou het,

5 en die voedsel van sy tafel en hoe sy dienaars sit en sy bediendes staan, en hulle klere, en sy

dranke en sy trap waarmee hy opklim in die huis van IEUE, was daar in haar geen gees meer nie.

6 Daarop sê sy aan die koning: Die woord was waarheid wat ek in my land gehoor het oor u en oor u wysheid;

7 en ek het die woorde nie geglo nie, totdat ek gekom en my oë gesien het; en kyk, die helfte is my nie meegedeel nie. U oortref in wysheid en in welvaart die gerug wat ek gehoor het.

8 Gelukkig is u manne, gelukkig hierdie dienaars van u wat gedurig voor u staan, wat u wysheid hoor.

9 Geloofd sy IEUE u Aleim wat behae in u gehad het om u op die troon van Israhel te laat sit! Omdat IEUE Israhel vir ewig liefhet, het Hy u as koning aangestel om reg en geregtigheid te doen.

10 Verder het sy aan die koning honderd en twintig talente goud en 'n groot menigte speserye en edelgesteentes gegee; daar het nooit weer so 'n menigte speserye ingekom as wat die koningin van Skeba aan koning Solomon gegee het nie.

11 Maar ook die skepe van Hiram wat goud uit Ofir gaan haal het, het uit Ofir 'n groot menigte sandelhout en edelgesteentes gebring.

12 En van die sandelhout het die koning trapeunings gemaak vir die huis van IEUE en die huis van die koning, en siters en harpe vir die sangers; so het daar geen sandelhout ingekom en is daar nie gesien tot vandag toe nie.

13 En koning Solomon het aan die koningin van Skeba al haar begeerte gegee wat sy gevra het, bo wat hy haar na die vermoë van koning Solomon gegee het. Daarop het sy omgedraai en na haar land getrek, sy en haar dienaars.

14 En die gewig van Solomon se inkomste aan goud in een jaar was ses honderd ses en sestig talente goud,

15 behalwe wat ingekom het van die koopmans wat rondtrek, en van die wins van die handelaars en van al die konings van die gemengde bevolking en van die goewerneys van die land.

16 En koning Solomon het twee honderd groot skilde van geslae goud gemaak; ses honderd sikkels goud het hy op elke groot skild gebruik;

17 en drie honderd klein skilde van geslae goud; drie mines goud het hy op elke klein skild gebruik, en die koning het dit in die huis van die Libanon-bos gesit.

18 Verder het die koning 'n groot troon van ivoor gemaak en dit met suiwer goud oorgetrek.

19 Die troon het ses trappe gehad, en die kopstuk van die troon was van agter rond, en aan weerskante was trapeunings by die sitplek, terwyl twee leeus langs die leunings staan.

20 Daarby het twaalf leeus daar op die ses trappe aan weerskante gestaan; so iets is nooit vir enige koninkryk gemaak nie.

21 En die hele drinkservies van koning Solomon was van goud, en al die voorwerpe van die huis

van die Libanon-bos van fyn goud; silwer was daar nie by nie: dit is in die dae van Solomon as niks gereken nie.

22 Want die koning het Tarsis-skepe op die see gehad by die skepe van Hiram; een maal in drie jaar het die Tarsis-skepe ingekom, gelaai met goud en silwer, ivoor en ape en poue.

23 So het koning Solomon dan groter geword as al die konings van die aarde, in rykdom en wysheid.

24 En die hele wêreld het die aangesig van Solomon gesoek om sy wysheid te hoor wat Aleim in sy hart gegee het,

25 terwyl elkeen van hulle sy geskenk saambring: silwervoorwerpe en goue voorwerpe en klere en wapens en speserye, perde en muile, jaar vir jaar.

26 Verder het Solomon strydwaens en perderuiters versamel, sodat hy veertien honderd waens en twaalf duisend perderuiters gehad het; en hy het dit in die stede vir die waens en by die koning in Jerusalem opgestel.

27 Verder het die koning die silwer in Jerusalem gemaak soos klippe en die seders gemaak soos wildevyebome wat in die Laeveld is, in menigte.

28 En die uitvoer van perde vir Solomon was uit Egipte en uit Kwé; handelaars van die koning het dit uit Kwé gaan haal teen koopprys.

29 En 'n wa het uit Egipte opgekom, en dit is verkoop vir ses honderd sikkels silwer, en 'n perd vir honderd en vyftig; en so is dit vir al die konings van die Hetiete en vir die konings van Sirie deur hulle uitgevoer.

Solomon word Afvallig vanaf IEUE.

11 En koning Solomon het baie uitlandse vroue liefgehad; en wel behalwe die dogter van Farao, Moabitiese, Ammonitiese, Edomitiese, Sidoniese, Hetitiese--

2 uit die nasies waarvan IEUE aan die kinders van Israhel gesê het: Julle mag nie met hulle meng nie, en hulle mag nie met julle meng nie; hulle sal voorwaar julle hart verlei agter hulle gode aan--Solomon het hulle met liefde aangehang.

3 En hy het sewe honderd vroue, vorstinne, gehad, en drie honderd byvroue, sodat sy vroue sy hart verlei het.

4 En in die tyd van Solomon se ouderdom het sy vroue sy hart verlei agter ander gode aan, sodat sy hart nie volkome met IEUE sy Aleim was soos die hart van sy vader Daudid nie.

5 En Solomon het agter Astárte, die godin van die Sidoniërs, en agter Milkom, die verfoeisels van die Ammoniete, aan geloop.

6 So het Solomon dan gedoen wat verkeerd was in die oë van IEUE en nie volgehou om IEUE te volg soos sy vader Daudid nie.

7 Toe het Solomon 'n hoogte gebou op die berg wat oostelik van Jerusalem lê, vir Kamos, die

verfoeisel van die Moabiete, en vir Molog, die verfoeisel van die kinders van Ammon.

8 En so het hy gedoen vir al sy uitlandse vroue wat rook laat opgaan het en geoffer het aan hulle gode.

9 Daarom was IEUE toornig op Solomon, omdat sy hart afgewyk het van IEUE, die Aleim van Israhel, wat twee maal aan hom verskyn het,

10 en hom bevel gegee het omtrent hierdie saak om nie agter ander gode aan te loop nie; maar hy het die bevel van IEUE nie gehou nie.

11 Daarom het IEUE vir Solomon gesê: Omdat dit so ver is met jou dat jy My verbond en My insettinge wat Ek jou beveel het, nie hou nie, sal Ek verseker die koningskap van jou afskeur en dit aan jou dienaar gee.

12 Maar in jou dae sal Ek dit nie doen nie ter wille van jou vader Daud; uit die hand van jou seun sal Ek dit afskeur.

13 Maar Ek sal nie die hele koningskap afskeur nie; een stam sal Ek aan jou seun gee ter wille van My kneg Daud en ter wille van Jerusalem wat Ek verkies het.

14 En IEUE het vir Solomon as teëstander verwek Hadad, die Edomiet; hy was van die koninklike familie in Edom.

15 Toe Daud dan met Edom besig was, en loab, die leërowerste, opgetrek het om die gesneuweldes te begrawe, het hy al wat manlik was, in Edom doodgeslaan-

16 want ses maande lank het loab daar gebly met die hele Israhel totdat al die manlike persone in Edom deur hom uitgeroei was--

17 maar Hadad het ontvlug, hy en saam met hom Edomitese manne uit die dienaars van sy vader, om na Egipte te gaan; en Hadad was 'n jong seun.

18 En hulle het uit Mídan weggetrek en in Paran aangekom, en uit Paran manne met hulle saamgeneem en in Egipte aangekom by Farao, die koning van Egipte, wat hom 'n huis gegee en aan hom voedsel toegesê en hom grond gegee het.

19 En Hadad het groot guns gevind in die oë van Farao, sodat dié aan hom sy vrou se suster, die suster van Táppenés, die gebiedster, as vrou gegee het.

20 En die suster van Táppenés het vir hom sy seun Genúbat gebaar, maar Táppenés het hom in die huis van Farao gespeen, sodat Genúbat in die huis van Farao was onder die kinders van Farao.

21 Maar toe Hadad in Egipte hoor dat Daud met sy vaders ontslaap het en loab, die leërowerste, dood was, sê Hadad vir Farao: Laat my gaan, dat ek na my land kan trek.

22 Daarop sê Farao vir hom: Maar wat ontbreek jou by my, dat jy meteens begeer om na jou land te trek? En hy antwoord: Niks nie, maar laat my tog maar gaan.

23 Aleim het ook as teëstander vir hom verwek

Reson, die seun van Eliada, 'n vlugteling van sy heer Hadadésér, die koning van Soba.

24 In die tyd toe Daud hulle gedood het, het hy manne om hom versamel, sodat hy owerste van 'n bende was; en hulle het na Damaskus getrek en daarin gewoon en in Damaskus geregeer.

25 En hy was 'n teëstander van Israhel al die dae van Solomon--en dit nog by die kwaad wat Hadad gedoen het--want hy het 'n afsku van Israhel gehad, en hy het oor Sirie koning geword.

26 Ook Ierobeam, die seun van Nebat, 'n Efraimiet uit Seréda--die naam van sy moeder was Serúa, 'n weduwee--'n dienaar van Solomon, het sy hand opgehef teen die koning.

27 En dit was die aanleiding dat hy die hand teen die koning opgehef het: Solomon het Millo gebou en daardeur die skeur aan die stad van sy vader Daud toegemaak.

28 En die man Ierobeam was 'n dapper held. Toe Solomon sien dat die jongman 'n bekwame arbeider was, het hy hom aangestel oor al die dwangarbeiders van die huis van Ioseph.

29 Terwyl Ierobeam in dié tyd uit Jerusalem uitgaan, kry die profeet Ahía, die Siloniet, hom op die pad; en dié was bekleed met 'n nuwe mantel; en hulle twee was alleen in die veld.

30 Toe gryp Ahía die nuwe mantel wat hy aangehad het, en skeur dit in twaalf stukke,

31 en hy sê vir Ierobeam: Neem vir jou tien stukke, want so spreek IEUE, die Aleim van Israhel: Kyk, Ek gaan die koninkryk uit die hand van Solomon afskeur en aan jou die tien stamme gee;

32 maar die een stam sal syne wees ter wille van My kneg Daud en ter wille van Jerusalem, die stad wat Ek verkies het uit al die stamme van Israhel--

33 omdat hulle My verlaat en hul neergebuig het voor Astárte, die godin van die Sidoniërs, voor Kamos, die god van die Moabiete, en voor Milkom, die god van die kinders van Ammon, en nie gewandel het in My weë deur te doen wat reg is in My oë, naamlik My insettinge en My verordeninge, soos sy vader Daud nie.

34 Ek sal ewenwel die koningskap as geheel nie uit sy hand neem nie, maar Ek sal hom as vors aanstel al die dae van sy lewe ter wille van My kneg Daud wat Ek verkies het, wat My gebooe en My insettinge gehou het.

35 Maar uit die hand van sy seun sal Ek die koningskap neem en dit aan jou gee, die tien stamme;

36 en aan sy seun sal Ek een stam gee, sodat My kneg Daud altyd 'n lamp kan hê voor My aangesig in Jerusalem, die stad wat Ek vir My verkies het om My Naam daar te vestig;

37 en Ek sal jou neem, en jy sal regeer oor alles wat jou siel begeer, en jy sal koning word oor Israhel.

38 En as jy luister na alles wat Ek jou beveel en wandel in My weë en doen wat reg is in My oë deur My insettinge en My gebooie te hou, soos My kneg Daudid gedoen het, dan sal Ek met jou wees en vir jou 'n bestendige huis stig, soos Ek vir Daudid gestig het, en Israhel aan jou gee.

39 Want Ek wil om hierdie rede die nageslag van Daudid verneder, maar nie vir altyd nie.

40 En Solomon het geprobeer om Ierobeam om te bring; maar Ierobeam het hom klaargemaak en gevlug na Egipte, na Sisak, die koning van Egipte, en was in Egipte tot die dood van Solomon.

41 En die verdere geskiedenis van Solomon en alles wat hy gedoen het, en sy wysheid, is dit nie beskrywe in die geskiedenisboek van Solomon nie?

42 En die dae wat Solomon in Jerusalem oor die hele Israhel geregeer het, was veertig jaar.

43 Daarna het Solomon met sy vaders ontslaap en is begrawe in die stad van sy vader Daudid; en sy seun Rheabeam het in sy plek koning geword.

Rheabeam word Koning.

12 En Rheabeam het na Sigem gegaan, want die hele Israhel het na Sigem gekom om hom koning te maak.

2 En net toe Ierobeam, die seun van Nebat, dit hoor--hy was nog in Egipte, waarheen hy vir koning Solomon weggevlug het, en Ierobeam was in Egipte woonagtig,

3 en hulle het hom laat roep--kom Ierobeam en die hele vergadering van Israhel, en hulle het Rheabeam toegesprek en gesê:

4 U vader het ons juk hard gemaak, maak u dan nou die harde diens van u vader en sy swaar juk wat hy ons opgelê het, ligter; dan sal ons u dien.

5 En hy sê vir hulle: Gaan weg tot oor drie dae, kom dan terug na my toe. En die volk het gegaan.

6 Daarop hou koning Rheabeam raad met die oudstes wat voor sy vader Solomon gedurende sy lewe gestaan het, en hy vra: Wat raai u aan om hierdie volk te antwoord?

7 En hulle spreek met hom en sê: As u vandag 'n dienaar van hierdie volk word en hulle dien en hulle antwoord en met vriendelike woorde hulle toesprek, sal hulle altyd u dienaars wees.

8 Maar hy het die raad van die oudstes wat hulle hom gegee het, in die wind geslaan en raad gehou met die jongmanne wat saam met hom grootgeword en voor hom gestaan het.

9 En hy vra hulle: Wat raai julle aan dat ons hierdie volk sal antwoord wat my toegesprek en gesê het: Maak die juk wat u vader ons opgelê het, ligter?

10 En die jongmanne wat saam met hom grootgeword het, antwoord hom en sê: Só moet u hierdie volk antwoord wat met u gesprek en gesê het: U vader het ons juk swaar gemaak, maar maak u dit ligter oor ons--só moet u hulle

antwoord: My pinkie is dikker as my vader se lendene.

11 Het my vader dan nou 'n swaar juk op julle gelaai--ék sal by julle juk nog byvoeg; het my vader julle met die sweep getugtig--ék sal julle met gésels tugtig.

12 Toe Ierobeam en die hele volk dan by Rheabeam kom op die derde dag soos die koning gespreek en gesê het: Kom na my terug op die derde dag--

13 het die koning die volk 'n harde antwoord gegee: hy het die raad wat hom deur die oudstes gegee is, in die wind geslaan

14 en met hulle gespreek volgens die raad van die jongmanne en gesê: Het my vader julle juk swaar gemaak--ék sal by julle juk nog byvoeg; het my vader julle met die sweep getugtig--ék sal julle met gésels tugtig.

15 So het die koning dan nie na die volk geluister nie, want dit was 'n beskikking van IEUE, sodat Hy Sy woord sou vervul wat IEUE gespreek het deur die diens van Ahía, die Siloniet, tot Ierobeam, die seun van Nebat.

16 Toe die hele Israhel sien dat die koning nie na hulle luister nie, het die volk die koning geantwoord en gesê:

Watter aandeel het ons aan Daudid? en daar is geen erfdeel aan die seun van Isai nie!
Na julle tente toe, Israhel! Kyk nou na jou eie huis, Daudid! Daarop het Israhel na sy tente gegaan.

17 Maar oor die kinders van Israhel wat in die stede van Juda gewoon het, oor hulle was Rheabeam koning.

18 Toe stuur koning Rheabeam Adóram wat oor die dwangarbeid was, maar die hele Israhel het hom gestenig, sodat hy gesterf het; en koning Rheabeam het hom tot die uiterste toe geweier om op 'n wa te klim, om na Jerusalem te vlug.

19 So het die Ishraeliete dan van die huis van Daudid afvallig geword tot vandag toe.

20 Sodra die hele Israhel gehoor het dat Ierobeam terug was, het hulle hom na die vergadering laat roep en hom oor die hele Israhel koning gemaak; niemand het die huis van Daudid gevolg nie, behalwe die stam van Juda alleen.

21 En toe Rheabeam in Jerusalem kom, het hy die hele huis van Juda en die stam van Benjamin, honderd en tagtig duisend strydbare jong manskappe, vergader om oorlog te voer teen die huis van Israhel, om die koningskap vir Rheabeam, die seun van Solomon, terug te win.

22 Maar die Woord van Aleim het tot Semaia, die man van Aleim, gekom en gesê:

23 Spreek met Rheabeam, die seun van Solomon, die koning van Juda, en met die hele huis van Juda en Benjamin en die orige deel van die volk

en sê:

24 So spreek IEUE: Julle mag nie optrek en teen julle broers, die kinders van Israhel, oorlog voer nie; julle moet omdraai, elkeen na sy huis; want van My het hierdie saak gekom. Hulle het toe geluister na die Woord van IEUE en weer teruggetrek volgens die Woord van IEUE.

25 En Ierobeam het Sigem op die gebergte van Efraim gebou en daarin gewoon, en daarvandaan uitgetrek en Pnuel gebou.

26 En Ierobeam het in sy hart gesê: Nou sal die koningskap na die huis van Daudid terugkeer:

27 as hierdie volk opgaan om offers te bring in die huis van IEUE in Jerusalem, dan sal die hart van hierdie volk terugkeer na hulle heer, na Rheabeam, die koning van Juda, en hulle sal my om die lewe bring en teruggaan na Rheabeam, die koning van Juda.

28 Daarom het die koning raad gehou en twee goue kalwers gemaak en aan hulle gesê: Julle het lank genoeg opgegaan na Jerusalem--hier is, o Israhel, jou gode wat jou uit Egipteland laat optrek het!

29 En die een het hy in Bet-el opgerig en die ander in Dan opgestel.

30 En hierdie saak het tot sonde geword; ja, die volk het voor die een gaan aanbid tot by Dan.

31 Hy het ook tempels van die hoogtes gebou en priesters aangestel uit al die dele van die volk wat nie uit die seuns van Levi was nie.

32 En Ierobeam het 'n fees gehou in die agtste maand, op die vyftiende dag van die maand, soos die fees wat in Juda was, en op die altaar geklim. So het hy in Bet-el gedoen en geoffer aan die kalwers wat hy gemaak het, en ook in Bet-el priesters aangestel vir die hoogtes wat hy gemaak het.

33 En hy het geklim op die altaar wat hy in Bet-el gemaak het, op die vyftiende dag in die agtste maand, in die maand wat hy uit sy eie hart versin het, en vir die kinders van Israhel 'n fees ingestel en op die altaar geklim om offerrook te laat opgaan.

Rheabeam word deur 'n Profeet van Juda Gewaarsku.

13 Toe kom daar 'n man van Aleim uit Juda deur die Woord van IEUE in Bet-el aan, terwyl Ierobeam op die altaar staan om offerrook te laat opgaan;

2 en hy het uitgeroep teen die altaar deur die Woord van IEUE en gesê: Altaar, altaar, so spreek IEUE: Kyk, 'n seun sal gebore word vir die huis van Daudid met die naam van Iosía, en hy sal op jou slag die priesters van die hoogtes wat op jou offerrook laat opgaan, en op jou sal mensbene verbrand word.

3 En hy het dieselfde dag 'n wonderteken aangekondig en gesê: Dit is die wonderteken dat

IEUE gespreek het: Kyk, die altaar sal uitmekaarskeur en die as wat daarop is, afgegooi word.

4 En net toe die koning die woord van die man van Aleim hoor wat hy teen die altaar in Bet-el uitgeroep het, steek Ierobeam sy hand uit bo van die altaar af en sê: Gryp hom! Maar sy hand wat hy teen hom uitgesteek het, het styf geword, sodat hy dit nie weer kon terugtrek nie.

5 En die altaar is uitmekaargeskeur, en die as is van die altaar afgegooi volgens die wonderteken wat die man van Aleim aangekondig het deur die Woord van IEUE.

6 Toe begin die koning om aan die man van Aleim te sê: Smeek tog die aangesig van IEUE jou Aleim om guns en bid vir my, dat my hand tot my terugkeer. En die man van Aleim het die aangesig van IEUE om guns gesmeek, sodat die hand van die koning tot hom teruggekeer het en dit soos tevore was.

7 Daarop sê die koning aan die man van Aleim: Kom met my saam huis toe en versterk jou, en laat ek jou 'n geskenk gee.

8 Maar die man van Aleim sê vir die koning: Al gee u my die helfte van u huis, ek kan nie met u saamgaan nie, en ek kan geen brood eet of water drink in hierdie plek nie.

9 Want so het IEUE my bevel gegee deur sy Woord en gesê: Jy mag geen brood eet of water drink nie, en jy mag nie terugkeer met die pad waarmee jy gegaan het nie.

10 Hy het toe met 'n ander pad gegaan en nie teruggekeer met die pad waarmee hy na Bet-el gekom het nie.

11 En daar het 'n sekere ou profeet in Bet-el gewoon; en sy seuns het gekom en hom alles vertel wat die man van Aleim dié dag in Bet-el gedoen het; ook die woorde wat hy met die koning gespreek het. En toe hulle dit aan hul vader vertel,

12 sê hul vader vir hulle: Met watter pad het hy gegaan? Want sy seuns het die pad gesien waarmee die man van Aleim weer weg is wat uit Juda gekom het.

13 Toe sê hy aan sy seuns: Saal vir my die esel op. En hulle het vir hom die esel opgesaal, en hy het daarop gery.

14 En hy het agter die man van Aleim aan gegaan en hom aangetref terwyl hy onder die terpentynboom sit; en hy sê vir hom: Is jy die man van Aleim wat uit Juda gekom het? En hy antwoord: Ja.

15 Toe sê hy vir hom: Gaan met my saam huis toe en eet brood.

16 Maar hy antwoord: Ek kan nie met jou saam omdraai of met jou saam ingaan nie; ek mag ook nie brood eet of met jou saam water in hierdie plek drink nie;

17 want aan my is gesê deur die Woord van IEUE:

Jy mag daar geen brood eet of water drink nie; jy mag nie terugkeer met die pad waarmee jy gegaan het nie.

18 Maar hy sê vir hom: Ek is ook 'n profeet net soos jy, en 'n engel het met my gespreek deur die woord van IEUE en gesê: Bring hom terug saam met jou na jou huis, dat hy brood kan eet en water kan drink. Hy het vir hom gelieg.

19 Toe het hy met hom saam omgedraai en in sy huis brood geëet en water gedrink.

20 Maar terwyl hulle aan tafel sit, kom die Woord van IEUE tot die profeet wat hom laat omdraai het;

21 en hy het die man van Aleim wat uit Juda gekom het, toegeroep en gesê: So spreek IEUE: Omdat jy wederstrewig was teen die mond van IEUE deur nie die gebod te hou wat IEUE jou Aleim jou beveel het nie,

22 maar omgedraai en brood geëet en water gedrink het in die plek waarvan Hy aan jou gesê het: Jy moet geen brood eet of water drink nie--daarom sal jou lyk nie in die graf van jou vaders kom nie.

23 Nadat hy dan geëet en gedrink het, saal hy vir hom die esel op--vir die profeet wat hy laat omdraai het--

24 en hy gaan weg; toe kom 'n leeu hom teë op die pad en maak hom dood. En sy lyk het neergewerp op die pad bly lê, terwyl die esel daarlangs staan en die leeu ook langs die lyk bly staan.

25 Intussen kom daar manne verby wat die lyk op die pad sien lê, terwyl die leeu langs die lyk staan; en hulle het dit kom sê in die stad waar die ou profeet woon.

26 Toe die profeet wat hom van die pad af laat omdraai het, dit hoor, sê hy: Dit is die man van Aleim wat teen die mond van IEUE wederstrewig was; daarom het IEUE hom aan die leeu oorgegee wat hom verskeur en hom gedood het volgens die Woord van IEUE wat Hy met hom gespreek het.

27 Daarop praat hy met sy seuns en sê: Saal vir my die esel op. En hulle het opgesaal.

28 Toe gaan hy weg en vind sy lyk neergewerp op die pad, terwyl die esel en die leeu langs die lyk staan; die leeu het die lyk nie geëet en die esel nie verskeur nie.

29 Daarna het die profeet die lyk van die man van Aleim opgetel en dit op die esel gesit en dit terugbring en in die stad van die ou profeet gekom om te rouklaag en hom te begrawe.

30 En hy het sy lyk in sy graf neergelê, en hulle het oor hom gerouklaag: Ag, my broer!

31 En nadat hy hom begrawe het, sê hy aan sy seuns: As ek sterwe, dan moet julle my begrawe in die graf waar die man van Aleim in begrawe is; lê my bene langs sy bene neer.

32 Want die Woord sal sekerlik uitkom wat hy deur die Woord van IEUE uitgeroep het teen die

altaar wat in Bet-el is, en teen al die tempels van die hoogtes wat in die stede van Samaria is.

33 Ná hierdie gebeurtenis het Ierobeam nie van sy verkeerde weg teruggekom nie, maar weer priesters van die hoogtes aangestel uit al die dele van die volk. Elkeen wat wou, dié het hy aangestel, dat hy een van die priesters van die hoogtes kon word.

34 En hierdeur was daar sonde vir die huis van Ierobeam, en wel om dit te verdelg en uit te roei van die aarde af.

Ahía Profeteer teen Rheabeam.

14 In dieselfde tyd het Abía, die seun van Ierobeam, siek geword.

2 En Ierobeam het vir sy vrou gesê: Maak jou tog gereed en trek ander klere aan, sodat hulle nie kan merk dat jy die vrou van Ierobeam is nie, en gaan na Silo; kyk, daar is die profeet Ahía wat van my gesê het dat ek koning oor hierdie volk sou word.

3 En neem met jou saam tien brode en koeke en 'n kruik met heuning, en gaan na hom toe; hy sal jou te kenne gee wat met die seun sal gebeur.

4 En die vrou van Ierobeam het so gedoen--haar gereedgemaak en na Silo gegaan en in die huis van Ahía gekom; en Ahía kon nie sien nie, want sy oë was styf vanweë sy ouderdom.

5 Maar IEUE het vir Ahía gesê: Kyk, die vrou van Ierobeam kom om jou te raadpleeg oor haar seun, want hy is siek; so en so moet jy vir haar sê. En toe sy inkom, terwyl sy haar as 'n vreemde aanstel,

6 en Ahía die geluid van haar voete hoor toe sy by die deur inkom, sê hy: Kom in, vrou van Ierobeam! Waarom stel jy jou so vreemd aan? Aan my is 'n harde boodskap aan jou toevertrou.

7 Gaan sê vir Ierobeam: So spreek IEUE, die Aleim van Israhel: Omdat Ek jou onder die volk uit verhef het en jou as 'n vors oor My volk Israhel aangestel het

8 en die koningskap van die huis van Daud afgeskeur en dit aan jou gegee het, maar jy nie soos My kneg Daud was wat My gebooie gehou en My met sy hele hart nagevolg het om net te doen wat reg is in My oë nie,

9 maar jy meer kwaad gedoen het as al jou voorgangers en vir jou ander gode en gegote beelde gaan maak het om My te terg en My agter jou rug gewerp het--

10 kyk, daarom bring Ek onheil oor die huis van Ierobeam en sal van Ierobeam uitroei al wat manlik is in Israhel, sonder uitsondering; en Ek sal die huis van Ierobeam skoon wegvee soos 'n mens drek wegvee totdat daar niks van oor is nie.

11 Die een wat van Ierobeam in die stad sterwe, hom sal die honde eet; en wat in die veld sterwe, sal die voëls van die hemel eet, want IEUE het dit gespreek.

12 Maak jou dan klaar, gaan na jou huis; as jou voete die stad inkom, sal die kind sterwe.

13 En die hele Israhel sal hom beklag en hom begrawe, want hy alleen van Ierobeam sal in 'n graf kom, omdat in hom iets goeds voor IEUE, die Aleim van Israhel, te vinde was in die huis van Ierobeam.

14 Maar IEUE sal vir Hom 'n koning oor Israhel verwek wat die huis van Ierobeam dié dag sal uitroei; ja, wat sê ek? Nou al.

15 En IEUE sal Israhel slaan, soos 'n riet in die water heen en weer beweeg, en sal Israhel uitruk uit hierdie goeie land wat Hy aan hulle vaders gegee het, en hulle anderkant die Eufraat verstrooi, omdat hulle hul heilige boomstamme gemaak en IEUE geterg het.

16 En Hy sal Israhel oorgee vanweë die sondes van Ierobeam wat hy gedoen het en waarmee hy Israhel laat sondig het.

17 Toe het die vrou van Ierobeam haar klaargemaak en weggegaan en in Tirsá aangekom. Net toe sy op die drumpel van die huis kom, het die seun gesterwe.

18 En hulle het hom begrawe, en die hele Israhel het hom beklag volgens die Woord van IEUE wat Hy gespreek het deur die diens van Sy kneg, die profeet Ahíá.

19 En die verdere geskiedenis van Ierobeam, hoe hy oorlog gevoer en hoe hy geregeer het, kyk, dit is beskrywe in die Kroniekboek van die konings van Israhel.

20 En die dae wat Ierobeam geregeer het, was twee en twintig jaar; en hy het ontslaap met sy vaders, en sy seun Nadab het in sy plek koning geword.

21 En Rheabeam, die seun van Solomon, was koning in Juda; een en veertig jaar was Rheabeam oud toe hy koning geword het, en sewentien jaar het hy geregeer in Jerusalem, die stad wat IEUE verkies het uit al die stamme van Israhel om sy Naam daar te vestig. En die naam van sy moeder was Naäma, die Ammonitiese.

22 En Juda het gedoen wat verkeerd was in die oë van IEUE en Sy ywer opgewek, meer as al die dade van hulle vaders, deur hul sondes wat hulle gedoen het.

23 En hulle het ook vir hulle hoogtes gebou en klippilare en heilige boomstamme op elke hoë heuwel en onder elke groen boom.

24 En daar was ook skandseuns in die land; hulle het gehandel volgens al die gruwels van die nasies wat IEUE voor die kinders van Israhel uit verdrywe het.

25 In die vyfde jaar van koning Rheabeam trek Sisak, die koning van Egipte, toe teen Jerusalem op,

26 en hy neem die skatte van die huis van IEUE en die skatte van die huis van die koning weg; ja, hy het alles weggeneem; ook al die goue skilde

wat Solomon gemaak het, het hy weggeneem.

27 Daarop maak koning Rheabeam in die plek daarvan koperskilde, en hy het dit aan die owerstes van die hardlopers toevertrou wat die deur van die koning se huis bewaak het.

28 So dikwels as die koning in die huis van IEUE ingaan, dra die hardlopers dit en bring dit weer terug in die wagkamer van die hardlopers.

29 En die verdere geskiedenis van Rheabeam en alles wat hy gedoen het, is dit nie beskrywe in die Kroniekboek van die konings van Juda nie?

30 En daar was gedurigdeur oorlog tussen Rheabeam en Ierobeam.

31 En Rheabeam het ontslaap met sy vaders en is begrawe by sy vaders in die stad van Daud; en die naam van sy moeder was Naäma, die Ammonitiese; en sy seun Abía het in sy plek koning geword.

Die Regering van Abía, Asa, Nadab en Baésa.

15 En in die agttiende jaar van koning Ierobeam, die seun van Nebat, het Abía oor Juda koning geword.

2 Hy het drie jaar in Jerusalem geregeer; en die naam van sy moeder was Máäga, die dogter van Abísalom.

3 En hy het gewandel in al die sondes van sy vader wat hy voor hom gedoen het; en sy hart was nie volkome met IEUE sy Aleim soos die hart van sy vader Daud nie.

4 Maar ter wille van Daud het IEUE sy Aleim vir hom 'n lamp in Jerusalem gegee deur sy seun ná hom te verwek en Jerusalem in stand te hou,

5 omdat Daud gedoen het wat reg was in die oë van IEUE, sonder om af te wyk van alles wat Hy hom beveel het, al die dae van sy lewe, behalwe in die saak van Uría, die Hetiet.

6 En daar was oorlog tussen Rheabeam en Ierobeam, al die dae van sy lewe.

7 En die verdere geskiedenis van Abía en alles wat hy gedoen het, is dit nie beskrywe in die Kroniekboek van die konings van Juda nie? Daar was ook oorlog tussen Abía en Ierobeam.

8 En Abía het ontslaap met sy vaders, en hy is begrawe in die stad van Daud; en sy seun Asa het in sy plek koning geword.

9 In die twintigste jaar dan van Ierobeam, die koning van Israhel, het Asa koning van Juda geword.

10 En hy het een en veertig jaar in Jerusalem geregeer; en die naam van sy moeder was Máäga, 'n dogter van Abísalom.

11 En Asa het gedoen wat reg was in die oë van IEUE net soos sy vader Daud:

12 hy het die skandseuns uit die land laat wegtrek en al die drekgode verwyder wat sy vaders gemaak het.

13 Ja, selfs sy moeder Máäga het hy as

gebiedster afgesit, omdat sy 'n afgryslieke voorwerp vir Asiera gemaak het; en Asa het die afgryslieke voorwerp omgekap en in die dal Kidron verbrand.

14 Die hoogtes is wel nie afgeskaf nie, maar Asa se hart was volkome met IEUE al sy dae.

15 En hy het die heilige gawes van sy vader en sy heilige gawes in die huis van IEUE gebring: silwer en goud en allerhande voorwerpe.

16 En daar was oorlog tussen Asa en Baésa, die koning van Israhel, al hulle dae.

17 En Baésa, die koning van Israhel, het teen Juda opgetrek en Rama gebou om niemand van Asa, die koning van Juda, te laat uit- of ingaan nie.

18 Toe neem Asa al die silwer en die goud wat oorgebly het in die skatkamers van die huis van IEUE en die skatte van die huis van die koning, en gee dit in die hand van sy dienaars; en koning Asa het hulle gestuur na Bénhadad, die seun van Tabrímon, die seun van Hésion, die koning van Sirie wat in Damaskus gewoon het, om te sê:

19 Daar is 'n verbond tussen my en u, tussen my vader en u vader; kyk, ek stuur 'n geskenk van silwer en goud; gaan verbreek u verbond met Baésa, die koning van Israhel, dat hy kan optrek, weg van my af.

20 En Bénhadad het geluister na koning Asa en die owerstes van sy leërmagte teen die stede van Israhel gestuur, en leon en Dan en Habal-Bet-Máaga en die hele Kínnerot met die hele land Náftali verwoes.

21 En net toe Baésa dit hoor, het hy opgehou om Rama te bou en in Tirsá gebly.

22 Toe roep koning Asa die hele Juda op--niemand was vry nie--en hulle het die klippe en balke van Rama, waarmee Baésa gebou het, weggedra; en daarmee het koning Asa Geba in Benjamin en Mispa gebou.

23 En die res van die verdere geskiedenis van Asa en al sy magtige dae en alles wat hy gedoen het, en die stede wat hy gebou het, is dit nie beskrywe in die Kroniekboek van die konings van Juda nie? Maar in die tyd van sy ouderdom het hy aan sy voete gely.

24 En Asa het ontslaap met sy vaders en is by sy vaders begrawe in die stad van sy vader Dáuid; en sy seun losafat het in sy plek koning geword.

25 En Nadab, die seun van Ierobeam, het koning geword oor Israhel in die tweede jaar van Asa, die koning van Juda, en hy het twee jaar oor Israhel geregeer.

26 En hy het gedoen wat verkeerd was in die oë van IEUE, en gewandel in die weg van sy vader en in sy sonde waarmee hy Israhel laat sondig het.

27 Maar Baésa, die seun van Ahía, van die huis van Issaskar, het 'n sameswering teen hom gesmee, en Baésa het hom verslaan by Gíbbeton wat aan die Filistyne behoort, terwyl Nadab en die

hele Israhel besig was om Gíbbeton te beleër.

28 So het Baésa hom dan gedood in die derde jaar van Asa, die koning van Juda, en koning geword in sy plek.

29 En sodra hy koning was, het hy die hele huis van Ierobeam omgebring; hy het van Ierobeam niks laat oorbly wat asemhaal nie, totdat hy hom verdelg het, volgens die Woord van IEUE wat Hy gespreek het deur die diens van Sy kneg Ahía, die Siloniet--

30 vanweë die sondes van Ierobeam wat hy gedoen en waarmee hy Israhel laat sondig het, deur sy geterg waarmee hy IEUE, die Aleim van Israhel, geterg het.

31 En die verdere geskiedenis van Nadab en alles wat hy gedoen het, is dit nie beskrywe in die Kroniekboek van die konings van Israhel nie?

32 En daar was oorlog tussen Asa en Baésa, die koning van Israhel, al hulle dae.

33 In die derde jaar van Asa, die koning van Juda, het Baésa, die seun van Ahía, oor die hele Israhel koning geword in Tirsá, vier en twintig jaar lank.

34 En hy het gedoen wat verkeerd was in die oë van IEUE en gewandel in die weg van Ierobeam en in sy sonde waarmee hy Israhel laat sondig het.

Die Regering van Ela, Simri, Omri en Agab.

16 Toe het die Woord van IEUE gekom tot leeu, die seun van Hanáni, teen Baésa, en gesê:

2 Omdat Ek jou uit die stof opgehef en jou as 'n vors oor My volk Israhel aangestel het, maar jy in die weg van Ierobeam gewandel en My volk Israhel laat sondig het, om My te terg deur hulle sondes,

3 daarom sal Ek Baésa en sy huis skoon wegvee, en Ek sal jou huis maak soos die huis van Ierobeam, die seun van Nebat.

4 Die een wat van Baésa in die stad sterwe, hom sal die honde eet, en wie van hom in die veld sterwe, sal die voëls van die hemel eet.

5 En die verdere geskiedenis van Baésa en wat hy gedoen het, en sy magtige dae, is dit nie beskrywe in die Kroniekboek van die konings van Israhel nie?

6 En Baésa het ontslaap met sy vaders, en hy is begrawe in Tirsá; en sy seun Ela het in sy plek koning geword.

7 Ook het die Woord van IEUE deur die diens van leeu, die seun van Hanáni, die profeet, gekom teen Baésa en teen sy huis, nie alleen oor al die kwaad wat hy in die oë van IEUE gedoen het, deur Hom te terg met sy handewerk om soos die huis van Ierobeam te wees nie, maar ook omdat hy hom verslaan het.

8 In die ses en twintigste jaar van Asa, die koning van Juda, het Ela, die seun van Baésa, oor Israhel koning geword in Tirsá, twee jaar lank.

9 Maar sy dienaar Simri, die owerste oor die helfte van die strydwaens, het 'n sameswering teen hom gesmee: terwyl hy hom dronk gedrink het in Tirsa, in die huis van Arsa, wat oor die paleis in Tirsa was,

10 het Simri ingekom en hom verslaan en hom gedood in die sewe en twintigste jaar van Asa, die koning van Juda, en hy het in sy plek koning geword.

11 En toe hy koning was, terwyl hy op die troon sit, het hy die hele huis van Baésa verwoes; hy het vir hom niemand laat oorbly wat manlik is nie, ook nie sy bloedwrekers en vriende nie.

12 So het Simri dan die hele huis van Baésa verdelg volgens die Woord van IEUE wat Hy gespreek het oor Baésa deur die diens van die profeet leeu,

13 vanweë al die sondes van Baésa en die sondes van sy seun Ela wat hulle gedoen het en waarmee hulle Israhel laat sondig het, om IEUE, die Aleim van Israhel, te terg met hulle nietige afgode.

14 En die verdere geskiedenis van Ela en alles wat hy gedoen het, is dit nie beskrywe in die Kroniekboek van die konings van Israhel nie?

15 In die sewe en twintigste jaar van Asa, die koning van Juda, was Simri sewe dae lank koning in Tirsa, terwyl die manskappe Gibbeton beleër wat aan die Filistyne behoort het.

16 En toe die manskappe wat beleër, hoor sê: Simri het 'n sameswering gesmee en ook die koning doodgeslaan, het die hele Israhel Omri, die leërowerste, koning gemaak oor Israhel, dieselfde dag in die laer.

17 En Omri het opgetrek en die hele Israhel saam met hom van Gibbeton af en Tirsa beleër.

18 Net toe Simri sien dat die stad ingeneem is, het hy in die vesting van die koning se huis ingegaan en die huis van die koning bo-op hom aan die brand gestee, sodat hy gesterf het,

19 vanweë sy sondes wat hy begaan het deur te doen wat verkeerd was in die oë van IEUE, deur te wandel in die weg van Ierobeam en in sy sonde wat hy gedoen het om Israhel te laat sondig.

20 En die verdere geskiedenis van Simri en sy sameswering wat hy gesmee het, is dit nie beskrywe in die Kroniekboek van die konings van Israhel nie?

21 Toe is die volk van Israhel verdeel in twee helftes: een helfte van die volk het Tibni, die seun van Ginat, gevolg om hom koning te maak, en die ander helfte het Omri gevolg.

22 Maar die volk wat Omri gevolg het, was te sterk vir die volk wat Tibni, die seun van Ginat, gevolg het; en Tibni het gesterwe, en Omri het koning geword.

23 In die een en dertigste jaar van Asa, die koning van Juda, het Omri oor Israhel koning geword, twaalf jaar lank; in Tirsa was hy ses jaar koning.

24 En hy het die berg Samaría van Semer gekoop vir twee talent silwer en die berg bebou en die stad wat hy gebou het, Samaría genoem na die naam van Semer, die eienaar van die berg.

25 En Omri het gedoen wat verkeerd was in die oë van IEUE, en meer kwaad gedoen as al sy voorgangers.

26 Hy het naamlik gewandel in al die weë van Ierobeam, die seun van Nebat, en in sy sondes waarmee hy Israhel laat sondig het, om IEUE, die Aleim van Israhel, te terg met hulle nietige afgode.

27 En die verdere geskiedenis van Omri, wat hy gedoen het, en sy magtige daade wat hy verrig het, is dit nie beskrywe in die Kroniekboek van die konings van Israhel nie?

28 En Omri het ontslaap met sy vaders en is in Samaría begrawe; en sy seun Agab het in sy plek koning geword.

29 En Agab, die seun van Omri, het oor Israhel koning geword in die agt en dertigste jaar van Asa, die koning van Juda; en Agab, die seun van Omri, het in Samaría oor Israhel twee en twintig jaar geregeer.

30 En Agab, die seun van Omri, het gedoen wat kwaad is in die oë van IEUE, meer as al sy voorgangers.

31 En dit was nog die minste dat hy in die sondes van Ierobeam, die seun van Nebat, gewandel het: hy het Isébel, die dogter van Et-Baäl, die koning van die Sidoniërs, as vrou geneem, en Baäl gaan dien en voor hom neergebuig,

32 en vir Baäl 'n altaar opgerig in die huis van Baäl wat hy in Samaría gebou het.

33 Ook het Agab die heilige boomstam gemaak, en Agab het nog meer gedoen om IEUE, die Aleim van Israhel, te terg as al die konings van Israhel, sy voorgangers.

34 In sy dae het Hiël, van Bet-el, Jérigo opgebou; ten koste van Abíram, sy eersgeborene, het hy sy fondament gelê, en ten koste van Segub, sy jongste, sy poorte opgerig, volgens die Woord van IEUE wat Hy deur die diens van Ieshou, die seun van Nun, gespreek het.

Elia Wek die Weduwee se Seun Op.

17 En Elía, die Tisbiet, uit Tisbe in Gílead, het vir Agab gesê: So waar as IEUE, die Aleim van Israhel, leef, voor wie se aangesig ek staan, daar sal geen dou of reën in hierdie jare wees nie, behalwe op my woord!

2 Toe kom die Woord van IEUE tot hom en sê:

3 Gaan hiervandaan weg en draai jou na die ooste toe en steek jou weg by die spruit Krit wat oos van die Jordaan is;

4 en jy moet uit die spruit drink, en Ek het aan die kraaie bevel gegee om jou daar te onderhou.

5 En hy het gegaan en gehandel volgens die

Woord van IEUE: hy het gaan bly by die spruit Krit wat oos van die Jordaan is.

6 En die kraaie het vir hom smôrens brood en vleis gebring, en saans brood en vleis, en hy het uit die spruit gedrink.

7 Maar ná verloop van tyd het die spruit opgedroog, want daar was geen reën in die land nie.

8 Toe kom die Woord van IEUE tot hom en sê:

9 Maak jou klaar, gaan na Sarfat wat by Sidon is, en bly daar; kyk, daar het Ek aan 'n weduwee bevel gegee om jou te onderhou.

10 Daarop het hy hom gereedgemaak en na Sarfat gegaan; en toe hy by die ingang van die stad kom, was 'n weduwee juis besig om daar houtjies bymekaar te maak. En hy roep haar en sê: Gaan haal tog vir my 'n bietjie water in die kan, dat ek kan drink.

11 Terwyl sy loop om dit te gaan haal, roep hy na haar en sê: Bring tog vir my 'n stukkie brood saam.

12 Maar sy antwoord: So waar as IEUE u Aleim leef, ek het nie 'n broodkoek nie, net maar 'n handvol meel in die pot en 'n bietjie olie in die kruik; en hier maak ek nou 'n paar houtjies bymekaar; dan gaan ek en maak dit vir my en my seun klaar, dat ons dit kan eet en sterwe.

13 En Elía sê vir haar: Wees nie bevrees nie, gaan heen, doen volgens jou woord; maar maak eers daarvan vir my 'n broodkoekie en bring dit uit vir my; daarna kan jy vir jôu en jou seun iets klaarmaak.

14 Want so sê IEUE, die Aleim van Isrhael: Die meel in die pot sal nie opraak en die olie in die kruik sal nie minder word nie, tot op die dag dat IEUE reën op die aarde sal gee.

15 En sy het gegaan en gehandel volgens die woord van Elía; en sy het geëet--sy en hy en haar gesin dae lank:

16 die meel in die pot het nie opgeraak en die olie in die kruik nie minder geword nie, volgens die Woord van IEUE wat Hy deur die diens van Elía gespreek het.

17 Ná hierdie dinge het die seun van die vrou, die eienares van die huis, siek geword; en sy siekte was baie ernstig, totdat daar geen asem meer in hom oorgebly het nie.

18 Toe sê sy vir Elía: Wat het ek met u te doen, man van Aleim! U het na my gekom om my ongeregtigheid in gedagtenis te bring en my seun dood te maak!

19 Maar hy antwoord haar: Gee jou seun vir my. En hy het hom van haar skoot af geneem en hom opgedra na die bo-kamer waar hy self gewoon het, en hom op sy bed neergelê;

20 en hy het IEUE aangeroep en gesê: HERE my Aleim, het U selfs oor die weduwee by wie ek as vreemdeling vertoef, 'n onheil gebring deur haar seun te laat sterwe?

21 Daarop het hy hom drie maal uitgestrek oor die kind en IEUE aangeroep en gesê: HERE my Aleim, laat die siel van hierdie kind tog in hom terugkeer.

22 En IEUE het Elía verhoor; en die siel van die kind het in hom teruggekeer, sodat hy weer lewendig geword het.

23 Daarop neem Elía die kind en bring hom af uit die bo-kamer in die huis en gee hom aan sy moeder; en Elía sê: Kyk, jou seun lewe!

24 En die vrou sê vir Elía: Nou weet ek dit dat u 'n man van Aleim is en dat die Woord van IEUE in u mond waarheid is.

Die Contest by Berg Karmel.

18 En geruime tyd daarna het die Woord van IEUE in die derde jaar tot Elía gekom en gesê: Gaan heen, vertoon jou aan Agab, dan wil Ek reën gee op die aarde.

2 En Elía het gegaan om hom aan Agab te vertoon. En die hongersnood was swaar in Samaría.

3 Toe laat Agab Obadia, wat oor die paleis was, roep. En Obadia het IEUE baie gevrees.

4 Want toe Isébel die profete van IEUE uitgeroei het, het Obadia honderd profete geneem en hulle vyftig by vyftig man in 'n spelonk weggesteek en hulle met brood en water onderhou.

5 En Agab het vir Obadia gesê: Trek deur die land na al die waterfonteine en na al die spruite; miskien sal ons gras kry, sodat ons die perde en muile in die lewe kan hou en van die vee nie hoef uit te roei nie.

6 En hulle het die land onder mekaar verdeel om dit deur te trek: Agab het afsonderlik met een pad getrek, en Obadia het afsonderlik met 'n ander pad getrek.

7 Terwyl Obadia op pad was, kom Elía hom meteens tegemoet; en toe hy hom herken, val hy op sy aangesig en vra: Is dit u, my heer Elía?

8 En hy sê: Dit is ek; gaan sê aan jou heer: Elía is daar.

9 Maar hy vra: Wat het ek gesondig, dat u u dienaar oorgee in die hand van Agab om my om die lewe te bring?

10 So waar as IEUE u Aleim leef, daar is geen nasie of koninkryk waar my heer nie heen gestuur het om u te soek nie; en as hulle sê: Hy is nie hier nie--dan laat hy die koninkryk en die nasie sweer dat hulle u nie kon vind nie.

11 En nou beveel u: Gaan sê aan jou heer: Elía is daar!

12 As ek nou van u af weggaan en die Gees van IEUE u wegneem--ek weet nie waarheen nie--en ek kom om Agab berig te bring en hy vind u nie, dan sal hy my doodmaak; en u dienaar vrees IEUE van sy jeug af.

13 Is dit nie aan my heer meegedeel wat ek gedoen het toe Isébel die profete van IEUE

gedood het nie: dat ek van die profete van IEUE honderd man, vyftig by vyftig, in 'n spelonk weggesteek en hulle met brood en water onderhou het?

14 En nou beveel u: Gaan sê aan jou heer: Elía is daar! dat hy my kan doodmaak!

15 Maar Elía sê: So waar as IEUE van die leërskaars leef, voor wie se aangesig ek staan, ek sal my verseker vandag aan hom vertoon!

16 En Obadia het Agab tegemoetgegaan en hom dit meegedeel; en Agab het Elía tegemoetgegaan.

17 En net toe Agab Elía sien, vra Agab vir hom: Is dit jy, jou beroerder van Israhel?

18 Toe sê hy: Ek het Israhel nie in beroering gebring nie, maar u en u familie, deurdat u die geboorte van IEUE verlaat het en agter die Baals aan geloop het.

19 Stuur dan nou, laat die hele Israhel by my bymekaarkom op die berg Karmel, ook die vier honderd en vyftig profete van Baäl en die vier honderd profete van Asiera wat aan die tafel van Isébel eet.

20 En Agab het gestuur onder al die kinders van Israhel en die profete op die berg Karmel bymekaar laat kom.

21 En Elía het nader gekom na die hele volk en gesê: Hoe lank hink julle op twee gedagtes? As IEUE Aleim is, volg Hom na; en as Baäl dit is, volg hom na! Maar die volk het hom niks geantwoord nie.

22 Toe sê Elía vir die volk: Ek het alleen oorgebly as profeet van IEUE, terwyl die profete van Baäl vier honderd en vyftig is.

23 Maar laat hulle vir ons twee bulle gee; dan kan hulle vir hul een bul uitkies en dit in stukke verdeel en op die hout sit, maar sonder om vuur te maak; en ek sal die ander bul gereedmaak en op die hout sit, maar ek sal geen vuur maak nie.

24 Roep julle dan die naam van julle god aan, en ek sal die Naam van IEUE aanroep; en die Aleim wat met vuur antwoord, Hy sal Aleim wees. En die hele volk het geantwoord en gesê: Die woord is goed.

25 Verder het Elía aan die profete van Baäl gesê: Kies vir julle een bul uit en maak dit eerste gereed, want julle is die meeste; en roep die naam van julle god aan, maar julle mag geen vuur maak nie.

26 En hulle het die bul wat hy hulle gegee het, geneem en dit gereedgemaak en die naam van Baäl van die môre tot die middag aangeroep en gesê: o Baäl, gee ons antwoord! Maar daar was geen stem en niemand wat antwoord nie. En hulle het rondgespring by die altaar wat hulle gemaak het.

27 En toe dit middag was, het Elía met hulle gespot en gesê: Roep hard; hy is mos 'n god! Hy is seker in gepeins, of hy het hom seker afgesonder, of hy is seker op reis; miskien slaap

hy en moet wakker word.

28 En hulle het hard geroep en hulleself volgens hul gebruik met swaarde en spiese stukkend gekerwe tot die bloed op hulle uitgespuit het.

29 En toe die middag verby was, het hulle begin raas tot op die tyd dat die spysoffer gebring word; maar daar was geen stem en niemand wat antwoord nie, en geen opmerkzaamheid nie.

30 Toe sê Elía vir die hele volk: Kom nader na my. En die hele volk het nader gekom na hom; en hy het die altaar van IEUE herstel wat afgebreek was.

31 Daarop neem Elía twaalf klippe volgens die getal van die stamme van Jakob se kinders tot wie die Woord van IEUE gekom het om te sê: Israhel sal jou naam wees--

32 en hy bou met die klippe 'n altaar in die Naam van IEUE. Daarna het hy 'n sloot gemaak rondom die altaar, 'n ruimte vir omtrent twee mate saad, 33 en die hout gerangskik en die bul in stukke verdeel en bo-op die hout gelê.

34 Toe sê hy: Maak vier kruike vol water en giet dit op die brandoffer en op die hout. En hy sê: Doen dit vir die tweede maal. En hulle het dit vir die tweede maal gedoen. En hy sê: Doen dit vir die derde maal. En hulle het dit vir die derde maal gedoen,

35 sodat die water rondom die altaar geloop het; en ook die sloot het hy vol water gemaak.

36 En op die tyd dat hulle die spysoffer bring, het die profeet Elía nader gekom en gesê: HERE, Aleim van Abrahams, Isak en Israhel, laat dit vandag bekend word dat U Aleim in Israhel is, en ek u kneg, en dat ek al hierdie dinge op U Woord gedoen het.

37 Antwoord my, HERE, antwoord my, sodat hierdie volk kan erken dat U, HERE, Aleim is, en dat U hulle hart tot U laat terugkeer.

38 Daarop het die vuur van IEUE neergeval en die brandoffer en die hout en die klippe en die stof verteer, ja, die water wat in die sloot was, opgelek.

39 En toe die hele volk dit sien, het hulle op hul aangesig geval en gesê: IEUE, Hy is Aleim, IEUE, Hy is Aleim!

40 Maar Elía sê vir hulle: Gryp die profete van Baäl! Laat niemand van hulle vrymaak nie! En hulle het hul gegryp; en Elía het hulle afgebring na die spruit Kison en hulle daar geslag.

41 Toe sê Elía vir Agab: Trek op, eet en drink, want hoor, die gedruis van die reën!

42 En Agab het opgetrek om te eet en te drink; maar Elía het op die top van die Karmel geklim en hom op die grond neergebui en sy aangesig tussen sy knieë gestee.

43 Daarop sê hy vir sy dienaar: Klim tog op, kyk uit na die see. En hy het opgeklim en uitgekyk en geroep: Daar is niks nie. Toe sê hy: Gaan weer--sewe maal.

44 En die sewende maal roep hy: Daar gaan 'n wolkie soos 'n man se hand op uit die see. Toe sê hy: Gaan op, sê vir Agab: Span in en trek af, dat die reën jou nie terughou nie.

45 En in 'n oogwink was die hemel swart van wolke en wind, en 'n groot reën het gekom; en Agab het op die wa geklim en weggetrek na Jísreël;

46 maar die hand van IEUE was oor Elía, sodat hy sy heupe omgord en voor Agab uit geloop het in die rigting na Jísreël.

Elia vlug vanaf Horeb.

19 En Agab het aan Isébel meegedeel alles wat Elía gedoen het, ja, alles--hoe hy al die profete met die swaard gedood het.

2 Daarop stuur Isébel 'n boodskapper na Elía om te sê: Mag die gode so doen en so daaraan toedoen--sekerlik sal ek môre sulke tyd jou siel maak soos die siel van een van hulle.

3 Toe hy dit sien, het hy hom klaargemaak en ter wille van sy lewe weggegaan. En toe hy in Berséba in Juda aangekom het, het hy sy dienaar daar laat agterbly;

4 maar self het hy 'n dagreis ver die woestyn ingegaan en daar onder 'n besembos gaan sit en gewens dat hy mag sterwe. En hy sê: Dit is genoeg, neem nou my siel weg, HERE, want ek is nie beter as my vaders nie.

5 Daarop gaan hy lê en raak onder 'n besembos aan die slaap; en kyk, daar raak 'n engel hom aan en sê vir hom: Staan op, eet!

6 Toe hy opkyk, was daar aan sy koppenent 'n broodkoek, op warm klippe gebak, en 'n kruik water. En hy het geëet en gedrink en weer gaan lê.

7 En die engel van IEUE het weer vir die tweede maal gekom en hom aangeraak en gesê: Staan op, eet; anders is die pad vir jou te veel.

8 Hy het toe opgestaan en geëet en gedrink en deur die krag van die voedsel veertig dae en veertig nagte lank geloop tot by die berg van Aleim, Horeb.

9 En hy het daar in 'n spelonk gegaan en die nag daar oorgebly. En kyk, die Woord van IEUE het tot hom gekom en vir hom gesê: Wat maak jy hier, Elía?

10 En hy antwoord: Ek het baie geywer vir IEUE, die Aleim van die leërskaar; want die kinders van Israhel het U verbond verlaat, U altare afgebreek en U profete met die swaard gedood, sodat ek alleen oorgebly het, en hulle soek my lewe om dit weg te neem.

11 En Hy sê: Gaan uit en staan op die berg voor die aangesig van IEUE. En kyk, IEUE het verbygegaan, terwyl 'n groot en sterk wind die berge skeur en die rotse verbreek voor IEUE uit; in die wind was IEUE nie. En ná die wind 'n aardbewing; in die aardbewing was IEUE nie.

12 En ná die aardbewing 'n vuur; in die vuur was IEUE nie. En ná die vuur die gesuis van 'n sagte koelte.

13 En toe Elía dit hoor, het hy sy gelaat met sy mantel toegedraai en uitgegaan en by die ingang van die spelonk gaan staan. En daar kom 'n stem na hom wat sê: Wat maak jy hier, Elía?

14 En hy antwoord: Ek het baie geywer vir IEUE, die Aleim van die leërskaar; want die kinders van Israhel het U verbond verlaat, U altare afgebreek en U profete met die swaard gedood, sodat ek alleen oorgebly het; en hulle soek my lewe om dit weg te neem.

15 Maar IEUE sê vir hom: Gaan terug op jou pad na die woestyn van Damaskus, en gaan heen en salf Hásaël as koning oor Sirie.

16 En leeu, die seun van Nimsi, moet jy salf as koning oor Israhel; en Elísa, die seun van Safat, uit Habal-Mehóla, moet jy salf as profeet in jou plek.

17 En die een wat van die swaard van Hásaël vryraak, hom sal leeu doodmaak; en wat van die swaard van leeu vryraak, hom sal Elísa doodmaak.

18 Maar Ek sal sewe duisend in Israhel laat oorbly, al die knieë wat nie voor Baäl gekniel en elke mond wat hom nie gesoen het nie.

19 Hy het toe daarvandaan weggegaan en Elísa, die seun van Safat, aangetref terwyl hy aan ploë was met twaalf paar osse voor hom en hy self by die twaalfde paar was; en Elía het by hom verbygegaan en sy mantel op hom gewerp.

20 Daarop het hy die osse verlaat en agter Elía aan geloop en gesê: Laat ek tog my vader en my moeder soen; daarna sal ek u volg. En hy antwoord hom: Gaan terug, want wat het ek aan jou gedoen?

21 Hy draai toe agter hom om en neem die paar osse en slag dit; en met die osse se trekgoed het hy hulle vleis gekook en aan die mense gegee, en hulle het geëet; daarna het hy hom klaargemaak en Elía gevolg en hom gedien.

Agab oorwin Sirie.

20 En Bénhadad, die koning van Sirie, het sy hele leër versamel--twee en dertig konings was saam met hom, met perde en strydwaens--en opgetrek en Samaría beleër en daarteen geveg.

2 Ook het hy boodskappers na Agab, die koning van Israhel, gestuur in die stad

3 en hom laat weet: So sê Bénhadad: U silwer en u goud, dit is myne; en u mooiste vroue en kinders, hulle is myne.

4 Toe antwoord die koning van Israhel en sê: Volgens u woord, my heer die koning, ek is uwe met alles wat ek het!

5 Daarop kom die boodskappers weer en sê: So spreek Bénhadad: Ek het u wel laat weet: U silwer en u goud en u vroue en u kinders moet u aan my gee.

6 Maar môre sulke tyd sal ek my dienaars na u stuur, dat hulle u huis en die huise van u dienaars deursoek; en hulle sal alles wat begeerlik is in u oë, in hulle hand lê en wegneem.

7 Toe roep die koning van Israhel al die oudstes van die land en sê: Let tog op en kyk hoe die man moeilikheid soek, want hy het na my gestuur om my vroue en my kinders en my silwer en my goud te laat haal, en ek het dit hom nie geweier nie.

8 Maar al die oudstes en die hele volk antwoord hom: Luister nie, en u mag nie inwillig nie.

9 Daarom het hy aan die boodskappers van Bénhadad gesê: Sê aan my heer die koning: Alles wat u die eerste keer u dienaar laat weet het, sal ek doen; maar hierdie ding kan ek nie doen nie. En die boodskappers het weggegaan en hom antwoord gebring.

10 Daarop laat Bénhadad hom weet: Mag die gode so aan my doen en so daaraan toedoen--die puin van Samaría is nie genoeg vir die holle hande van al die manskappe wat my voetstappe volg nie!

11 Maar die koning van Israhel het dit geantwoord: Sê vir hom: Die een wat hom vasgord, moet hom nie beroem soos die een wat hom losgord nie.

12 En toe hy hierdie woord hoor, terwyl hy besig was om te drink, hy en die konings in die tente, sê hy aan sy dienaars: Gooi walle op! En hulle het walle opgegooi teen die stad.

13 Opeens kom daar 'n profeet na Agab, die koning van Israhel, en sê: So spreek IEUE: Het jy hierdie hele groot menigte gesien? Kyk, Ek gee hulle vandag in jou hand, dat jy kan weet dat Ek IEUE is.

14 En Agab sê: Deur wie? En hy antwoord: So spreek IEUE: Deur die jongmanne van die owerstes van die provinsies. En hy sê: Wie moet die geveg begin? En hy antwoord: U.

15 Toe tel hy die jongmanne van die owerstes van die provinsies, en hulle was twee honderd twee en dertig; en ná hulle tel hy al die manskappe, al die kinders van Israhel: sewe duisend.

16 En hulle het op die middag uitgetrek terwyl Bénhadad hom dronk gedrink het in die tente, hy en die konings, die twee en dertig konings wat sy bondgenote was.

17 En die jongmanne van die owerstes van die provinsies het eerste uitgetrek. Maar Bénhadad het uitgestuur, en hulle het hom berig gebring en gesê: Uit Samaría het manne uitgetrek.

18 En hy sê: As hulle vir vrede uitgetrek het, gryp hulle lewendig; en as hulle vir oorlog uitgetrek het, gryp hulle lewendig.

19 Daarop trek die jongmanne van die owerstes van die provinsies uit die stad uit en die leër agter hulle aan;

20 en hulle verslaan elkeen sy man, sodat die

Seriens gevlug en Israhel hulle agtervolg het. Maar Bénhadad, die koning van Sirie, het vrygekom op 'n perd met perderuiters saam.

21 En die koning van Israhel het uitgetrek en perde en strydwagens verslaan, sodat hy 'n groot slag onder die Seriens geslaan het.

22 Toe kom die profeet na die koning van Israhel en sê vir hom: Gaan, wees sterk; en ondersoek en kyk wat u moet doen; want ná verloop van 'n jaar sal die koning van Sirie teen u optrek.

23 Want die dienaars van die koning van Sirie het vir hom gesê: Hulle gode is berggode; daarom was hulle vir ons te sterk; maar as ons met hulle op die vlakke veg, sal ons sekerlik sterker wees as hulle.

24 Daarom, doen hierdie ding: Verwyder die konings, elkeen uit sy plek, en stel goewerneurs aan in hulle plek.

25 En werf self vir u 'n leër soos die leër wat u verloor het, en perde soos dié perde, en strydwagens soos dié wagens; en laat ons teen hulle in die vlakke veg; dan sal ons sekerlik sterker wees as hulle. En hy het na hulle geluister en so gedoen.

26 En ná verloop van 'n jaar het Bénhadad die Seriens gemonster en opgetrek na Afek om teen Israhel te veg.

27 Die kinders van Israhel is ook gemonster en van lewensmiddele voorsien, en het hulle tegemoetgetrek; en die kinders van Israhel het teenoor hulle laer opgeslaan soos twee klompies bokke, terwyl die land vol Seriens was.

28 Toe kom die man van Aleim nader en sê aan die koning van Israhel: So spreek IEUE: Omdat die Seriens gesê het: IEUE is 'n god van die berge, en Hy is nie 'n Aleim van die laagtes nie--daarom sal Ek hierdie hele groot menigte in jou hand gee, dat julle kan weet dat Ek IEUE is.

29 En hulle was sewe dae lank teenoor mekaar gelaer; maar op die sewende dag het die geveg begin, en die kinders van Israhel het van die Seriens honderd duisend voetgangers op een dag verslaan.

30 En die wat oor was, het na Afek, na die stad gevlug, en die muur het op die sewe en twintig duisend man geval wat oor was. Bénhadad, wat ook die stad ingegaan het, het van kamer tot kamer gevlug.

31 Toe sê sy dienaars vir hom: Kyk tog, ons het gehoor dat die konings van die huis van Israhel genadige konings is; laat ons tog rouklere om ons heupe bind en bande om ons hoofde en uitgaan na die koning van Israhel; moontlik sal hy u in die lewe behou.

32 Toe het hulle rouklere om hul heupe vasgord en bande om hul hoofde en na die koning van Israhel gekom en gesê: U dienaar Bénhadad sê: Laat my tog lewe! En hy antwoord:

Lewe hy dan nog? Hy is my broer.

33 En die manne het hulle dit dadelik toegeëien as 'n gunstige voorteken van sy kant en gesê: Bénhadad is u broer! Daarop sê hy: Gaan haal hom. En Bénhadad het uitgekom na hom, en hy het hom op die wa laat klim.

34 En Bénhadad sê vir hom: Die stede wat my vader van u vader afgeneem het, sal ek teruggee, en u kan vir u winkelstrate aanlê in Damaskus soos my vader in Samaría aangelê het. En ek, sê Agab, sal u op hierdie verbond laat gaan. Hy het toe 'n verbond met hom gesluit en hom laat gaan.

35 Daarna het 'n sekere man uit die profete-seuns deur die Woord van IEUE aan sy maat gesê: Slaan my tog! Maar die man het geweier om hom te slaan.

36 Toe sê hy vir hom: Omdat jy nie na die stem van IEUE geluister het nie, kyk, as jy van my af weggaan, sal 'n leeu jou doodmaak. En toe hy van hom af weggaan, het 'n leeu hom gekry en hom gedood.

37 Daarna het hy 'n ander man gekry en gesê: Slaan my tog! En die man het hom so geslaan, dat hy hom gewond het.

38 Toe vertrek die profeet en gaan die koning op die pad voorstaan; daarby maak hy homself onkenbaar met 'n verband oor sy oë.

39 En terwyl die koning verbygaan, roep hy na die koning en sê: U dienaar het uitgetrek in die geveg; en daar kom iemand eenkant toe en bring 'n man na my en sê: Bewaak hierdie man; as hy ooit gemis word, sal jou lewe in die plek van sy lewe wees, of jy sal 'n talent silwer moet betaal.

40 Maar onderwyl u dienaar hier en daar besig was, het hy verdwyn. Toe sê die koning van Israhel vir hom: So is jou vonnis: jy het dit self bepaal.

41 Daarop neem hy gou die verband van sy oë af weg en die koning van Israhel herken hom, dat hy een van die profete was.

42 En hy sê vir hom: So spreek IEUE: Omdat jy die man wat deur my banvloek getref was, uit die hand laat gaan het, daarom sal jou siel in die plek van sy siel en jou volk in die plek van sy volk wees.

43 En die koning van Israhel het na sy huis getrek, verbitterd en toornig, en hy het in Samaría aangekom.

Elia Voorspel Agab se Verwoesting.

21 En ná hierdie dinge het dít gebeur: Nabot, 'n Jisreëliet, het in Jísreël 'n wingerd gehad, wat langs die paleis van Agab, die koning van Samaría, was.

2 En Agab het met Nabot gespreek en gesê: Gee my jou wingerd, dat dit my groentetuin kan word, want dit is naby, langsaan my huis; dan sal ek jou in die plek daarvan 'n wingerd gee wat beter is; of as dit goed is in jou oë, sal ek jou die koopprys

daarvan in silwer gee.

3 Maar Nabot het vir Agab gesê: Mag IEUE my daarvoor bewaar dat ek die erfdeel van my vaders aan u sou gee!

4 Toe kom Agab in sy huis, verbitterd en toornig oor die woord wat Nabot, die Jisreëliet, met hom gespreek het, naamlik: Ek mag nie die erfdeel van my vaders aan u gee nie. En hy het op sy bed gaan lê en sy gesig omgedraai en geen brood geëet nie.

5 ¶ Daarop kom sy vrou Isébel by hom en sê vir hom: Waarom is jou gees dan so verbitterd dat jy geen brood eet nie?

6 En hy antwoord haar: Omdat ek met Nabot, die Jisreëliet, gespreek en aan hom gesê het: Gee my jou wingerd vir geld, of as jy wil, sal ek jou 'n wingerd in die plek daarvan gee--maar hy het gesê: Ek mag my wingerd nie aan u gee nie.

7 Toe sê sy vrou Isébel vir hom: Oefen jy nou die koningskap oor Israhel uit? Staen op, eet brood, en laat jou hart vrolik wees: ek sal jou die wingerd van Nabot, die Jisreëliet, gee.

8 Daarop het sy briewe in die naam van Agab geskrywe en met sy seël dit verseël en die brief gestuur aan die oudstes en die edeles wat in sy stad was, wat by Nabot gewoon het.

9 En in die briewe het sy dit geskrywe:

Roep 'n vasdag uit, en sit Nabot vooraan onder die volk;

10 en sit twee manne, deugniete, teenoor hom, wat teen hom getuig en sê: Jy het Aleim en die koning gevloek! Lei hom dan uit en stenig hom, dat hy sterwe.

11 Die manne van sy stad, die oudstes en die edeles wat in sy stad gewoon het, maak toe soos Isébel hulle laat weet het, soos geskrywe was in die briewe wat sy aan hulle gestuur het.

12 Hulle het 'n vasdag uitgeroep en Nabot vooraan onder die volk gesit.

13 Toe kom die twee manne, deugniete, en gaan sit teenoor hom; en die deugniete het teen hom, teen Nabot, voor die volk getuig en gesê: Nabot het Aleim en die koning gevloek. Daarop lei hulle hom buitekant die stad uit en stenig hom, sodat hy gesterf het.

14 Daarna laat hulle Isébel weet: Nabot is gestenig en is dood.

15 Net toe Isébel hoor dat Nabot gestenig en dood was, sê Isébel vir Agab: Staen op, neem die wingerd van Nabot, die Jisreëliet, in besit wat hy geweier het om vir geld aan jou te gee; want Nabot leef nie, maar is dood.

16 Net toe Agab hoor dat Nabot dood was, het Agab opgestaan om na die wingerd van Nabot, die Jisreëliet, af te gaan om dit in besit te neem.

17 Maar die Woord van IEUE het tot Elía, die Tisbiet, gekom en gesê:

18 Maak jou klaar, gaan af Agab, die koning van Israhel, wat in Samaría is, tegemoet; kyk, hy is in die wingerd van Nabot, waarheen hy afgegaan het om dit in besit te neem.

19 En jy moet met hom spreek en sê: So sê IEUE: Het jy doodgeslaan en ook in besit geneem? Verder moet jy met hom spreek en sê: So spreek IEUE: Op die plek waar die honde die bloed van Nabot gelek het, sal die honde ook jou eie bloed lek.

20 Daarop sê Agab vir Elía: Het jy my gekry, my vyand? En hy antwoord: Ek het u gekry, omdat u uself verkoop het om te doen wat verkeerd is in die oë van IEUE!

21 Kyk, Ek gaan onheil bring oor jou en jou skoon wegvee; en Ek sal van Agab uitroei al wat manlik is in Israhel, sonder uitsondering.

22 En Ek sal jou huis maak soos die huis van Ierobeam, die seun van Nebat, en soos die huis van Baésa, die seun van Ahía; weens die geterg waarmee jy My geterg het, en dat jy Israhel laat sondig het.

23 En ook oor Isébel het IEUE gespreek en gesê: Die honde sal Isébel eet by die voorskans van Jísreël.

24 Die een wat van Agab in die stad sterwe, hom sal die honde eet, en wie in die veld sterwe, sal die voëls van die hemel eet.

25 Waarlik, daar was niemand soos Agab wat homself verkoop het om te doen wat verkeerd is in die oë van IEUE nie, omdat sy vrou Isébel hom verlei het.

26 En hy het baie afskuwelik gehandel deur agter die drekgode aan te loop net soos die Amoriëte gedoen het wat IEUE voor die kinders van Israhel uit verdrywe het.

27 En toe Agab hierdie woorde hoor, het hy sy klere geskeur en 'n roukleed om sy lyf gebind en gevas; hy het ook met die roukleed geslaap en stadig rondgeloop.

28 Toe kom die Woord van IEUE tot Elía, die Tisbiet, en sê:

29 Het jy gesien dat Agab hom voor My aangesig verneder het? Omdat hy hom voor My aangesig verneder het, sal Ek die onheil in sy dae nie bring nie; in die dae van sy seun sal Ek die onheil oor sy huis bring.

Mika se Ware Profesie.

22 Hulle het toe drie jaar lank stil gesit, dat daar geen oorlog was tussen Sirie en Israhel nie.

2 Maar in die derde jaar het Iosafat, die koning van Juda, afgekom na die koning van Israhel.

3 En die koning van Israhel vra sy dienaars: Weet julle dat Ramot in Gílead aan ons behoort? En ons sit stil sonder om dit uit die hand van die koning van Sirie te neem!

4 Daarna sê hy vir Iosafat: Sal u saam met my in die oorlog trek na Ramot in Gílead? En Iosafat

antwoord die koning van Israhel: Ek is soos u, My volk soos u volk, my perde soos u perde.

5 Verder het Iosafat aan die koning van Israhel gesê: Raadpleeg tog eers die Woord van IEUE.

6 Toe laat die koning van Israhel die profete bymekaarkom, omtrent vier honderd man, en hy sê aan hulle: Sal ek teen Ramot in Gílead trek om te veg of dit laat staan? En hulle antwoord: Trek op, en IEUE sal dit in die hand van die koning gee.

7 Maar Iosafat sê: Is hier nie nog 'n profeet van IEUE, dat ons deur hom kan raadpleeg nie?

8 En die koning van Israhel antwoord Iosafat: Daar is nog een man om deur hom IEUE te raadpleeg; maar ék haat hom, omdat hy oor my niks goeds profeteer nie, maar onheil: Mika, die seun van Imla. En Iosafat sê: Die koning moet nie so spreek nie!

9 Daarop roep die koning van Israhel 'n hofdienaar en sê: Gaan haal Mika gou, die seun van Jimla.

10 Onderwyl die koning van Israhel en Iosafat, die koning van Juda, elkeen op sy troon sit, beklee met koninklike klere, op 'n dorsvloer by die ingang van die poort van Samaría, en al die profete voor hulle profeteer,

11 het Sedekía, die seun van Kenaána, vir hom ysterhorings gemaak en gesê: So spreek IEUE: Hiermee sal u die Seriëns stoot totdat hulle vernietig is.

12 En al die profete het so geprofeteer en gesê: Trek op na Ramot in Gílead en u sal voorspoedig wees, en IEUE sal dit in die hand van die koning gee.

13 Toe sê die boodskapper wat gegaan het om Mika te roep, vir hom dít: Kyk tog, die woorde van die profete is uit een mond goed vir die koning: laat jou woord tog wees soos die woord van een van hulle, en spreek goeie dinge.

14 Maar Mika sê: So waar as IEUE leef, voorwaar, wat IEUE vir my sê, dit sal ek spreek!

15 Toe hy by die koning kom, sê die koning vir hom: Mika, sal ons na Ramot in Gílead trek om te veg, of sal ons dit laat staan? En hy antwoord hom: Trek op, en u sal voorspoedig wees, en IEUE sal dit in die hand van die koning gee.

16 En die koning sê vir hom: Hoeveel maal moet ek jou besweer dat jy niks as die waarheid in die Naam van IEUE tot my moet spreek nie?

17 Daarop antwoord hy: Ek het die hele Israhel gesien, verstrooid op die berge soos skape wat geen wagter het nie. En IEUE het gesê: Hulle het geen heer nie; laat hulle elkeen in vrede teruggaan na sy huis.

18 Toe sê die koning van Israhel vir Iosafat: Het ek u nie gesê nie--hy profeteer oor my niks goeds nie, maar onheil?

19 Verder sê hy: Daarom, hoor die Woord van IEUE: Ek het IEUE sien sit op Sy troon terwyl al die hemelse leërskaars by Hom staan, aan sy regter--

en aan sy linkerhand.

20 En IEUE het gesê: Wie sal Agab oorhaal, dat hy kan optrek en val by Ramot in Gílead? En die een het so gesê, en die ander weer so.

21 Toe kom die gees vorentoe en gaan voor die aangesig van IEUE staan en sê: Ek sal hom oorhaal. En IEUE vra hom: Waarmee?

22 En hy sê: Ek sal uitgaan en 'n leuengees word in die mond van al sy profete. En Hy sê: Jy sal oorhaal, ja, jy sal ook oorwin; gaan uit en doen so.

23 En nou, kyk, IEUE het 'n leuengees in die mond van al hierdie profete van u gegee, en IEUE het onheil oor u gespreek.

24 Daarop kom Sedekía, die seun van Kenaána, nader en hy slaan Mika op die kakebeen en sê: Hoe dan het die Gees van IEUE van my af weggegaan om met jou te spreek?

25 En Mika antwoord: Kyk, jy sal dit sien op dieselfde dag as jy van kamer tot kamer sal gaan om jou weg te steek.

26 Maar die koning van Israhel sê: Neem Mika en bring hom terug by Amon, die owerste van die stad, en by loas, die seun van die koning.

27 En jy moet sê: So spreek die koning: Sit hierdie man in die gevangenis en spysig hom met brood van verdrukking en water van verdrukking totdat ek behoue tuiskom.

28 Daarop sê Mika: As u ooit behoue tuiskom, dan het IEUE nie deur my gespreek nie. Verder sê hy: Volke, luister almal saam!

29 En die koning van Israhel en losafat, die koning van Juda, het opgetrek na Ramot in Gílead.

30 En die koning van Israhel het vir losafat gesê: Ek sal my onkenbaar maak en in die geveg kom; trek ú maar u eie klere aan. So het die koning van Israhel hom dan onkenbaar gemaak en in die geveg gegaan.

31 En die koning van Sirie het aan die owerstes van sy twee en dertig strydwaens bevel gegee en gesê: Julle moet nie klein of groot beveg nie, net die koning van Israhel alleen.

32 En sodra die owerstes van die waens losafat sien, sê hulle: Dit is sekerlik die koning van Israhel! En hulle het weggeswaai om teen hom te veg; maar losafat het geskreeu.

33 En toe die owerstes van die waens sien dat dit nie die koning van Israhel was nie, draai hulle agter hom weg.

34 Toe het 'n man in sy eenvoudigheid die boog gespan en die koning van Israhel getref tussen die aanhegels en die pantser. Daarop sê hy aan sy drywer: Ruk om en bring my uit die leër uit, want ek is gewond.

35 En die geveg het dié dag toegeneem, terwyl die koning hom staande hou in die strydwa teenoor die Seriens; maar in die aand het hy gesterwe, en die bloed van die wond het in die wa

se bak gevloei.

36 En teen sonsondergang gaan 'n geskreeu deur die leër: Elkeen na sy stad en elkeen na sy land toe!

37 En die koning het dood in Samaría aangekom, en die koning is in Samaría begrawe.

38 En toe hulle die wa uitspoel by die dam van Samaría, het die honde sy bloed gelek terwyl die hoere hulle daarin was, volgens die Woord van IEUE wat Hy gespreek het.

39 En die verdere geskiedenis van Agab en alles wat hy gedoen het, en die ivoorhuis wat hy gebou het, en al die stede wat hy gebou het, is dit nie beskrywe in die Kroniekboek van die konings van Israhel nie?

40 En Agab het ontslaap met sy vaders, en sy seun Ahásia het in sy plek koning geword.

41 En losafat, die seun van Asa, het koning geword oor Juda in die vierde jaar van Agab, die koning van Israhel.

42 losafat was vyf en dertig jaar oud toe hy koning geword het, en hy het vyf en twintig jaar in Jerusalem geregeer; en die naam van sy moeder was Asúba, die dogter van Silhi.

43 En hy het geheel en al in die weg van sy vader Asa gewandel--daarvan het hy nie afgewyk nie--deur te doen wat reg was in die oë van IEUE.

44 Net die hoogtes is nie afgeskaf nie; die volk het nog op die hoogtes geoffer en rook laat opgaan.

45 En losafat het vrede gesluit met die koning van Israhel.

46 En die verdere geskiedenis van losafat en sy magtige daade wat hy gedoen het, en hoe hy oorlog gevoer het, is dit nie beskrywe in die Kroniekboek van die konings van Juda nie?

47 Ook die skandseuns wat uit die dae van sy vader Asa nog oor was, het hy uit die land uitgeroei.

48 Daar was toe nie 'n koning in Edom nie; 'n plaasvervanger was regeerder.

49 losafat het Tarsis-skepe gebou om in Ofir goud te gaan haal; maar hulle het nie gegaan nie, want die skepe het in Éseon-Geber skipbreuk gely.

50 Toe sê Ahásia, die seun van Agab, vir losafat: Laat my dienaars saam met u dienaars op die skepe gaan. Maar losafat wou nie.

51 En losafat het ontslaap met sy vaders en is by sy vaders begrawe in die stad van sy vader Daud; en sy seun Ioram het koning geword in sy plek.

52 Ahásia, die seun van Agab, het koning geword oor Israhel in Samaría in die sewentiende jaar van losafat, die koning van Juda, en het twee jaar oor Israhel geregeer.

53 En hy het gedoen wat verkeerd was in die oë van IEUE--hy het gewandel in die weg van sy vader en in die weg van sy moeder en in die weg van Ierobeam, die seun van Nebat, wat Israhel laat

sondig het.

54 En hy het Baäl gedien en voor hom neergebuig
en IEUE, die Aleim van Isrhael, geterg, net soos sy
vader gedoen het.